




BIBLIOTHECA
UNIV. IAGELL.
CRACOVENSIS

53371

I

Mag. St. Dr.

P



Filozof.


501.

A

2 stłen. od Izla.

B

1889. XI 50.



53371

I

C

filorof. 501.

(S. XI 70.)

M. Dobre Luch-Reprentor. znan, dus
nie wrytowane.

RATIONALALE

PONTIFICIO-PHILOSOPHICVM

E subtili *Rationalis Philosophiæ* materia contextum

& ad normam veteris Aaronici Rationalis

Bissenis veritatum Logicarum gemmis distinctum.



nec non

ILLVSTRISSIMO

Ac

REVERENDISSIMO

DOMINO

D. NICOLAO MICHAELI

GERALDO

WYZYCKI

EPISCOPO CHEŁMENSIS,

Abbati Cervenensi, Præposito Mstoviensi

Sacrae Theologiæ Doctore

oblatum

ac in Philosophicam disceptationem propositum

Per Magnificum Dominum IGNATIVM SIENKIEWICZ Philosophiæ Rationalis auditorem

Præsidi R. P. CHRISTOPHORO EYNAROWICZ Soc. IESV, eiusdem Rationalis Philosophiæ Ordinario Professore

In Collegio Varšaviensi Societatis IESV Anno Domini 1699.



Præfulcas ornans CRVX Octogona Tiaras'
 Demonstrat, qvòd sis PASTOR ut octo Bonus

ILLVSTRISIME ac REVERENDISIME ANTISTES



Rationale PontificioPhilosophicum, utroq; titulo Tuum Tibi
præsento. Pertinebat & istud, Præsuleum insigne, ad Pon-
tificia Bona & Decora, cum Titulo Episcopali occupan-
da. Nempe ad pectus Pastoris Optimi, spectabat pecto-
rale, & vetus Pontificium, jure novo virtutis, & novum
Philosophicum, titulo vetustæ in Severiores æquè ac Humaniores Musas
WYZYCCIANÆ Munificentie. Quid, quod gemina, Præsulea scilicet
& Senatoria status Ratio, Rationale Pontificium & Philosophicum, ut pro-
prium sibi exigit, nempe quo & Magnus Pastor, commissum Tibi calitus
gregem, & Consultissimus Senator, salutem publicam, Præsuleo Senatorio
Pectori arctius adstringas, protegasque. Neque alto Pectorali Pectus Tu-
um, Præsul Inclyte, Pectus inquam, nil præter Dei & Patriæ amorem
spirans, dignius pulchriusq; valuit exornari, quam isto PontificioPhilo-
sophico, quod & Præsulei cordis, magnam incolam Pastoralem Zelum, &
arbitram politissimæ mentis, solique Pontificalis assistricem sapientiam,
in facie Orbis Poloni contestaretur. Denique bisseña Veritatum Logica-
rum gemmæ, Pectus Tuum Sacrum, non tam ornare, quàm ab illo orna-
ri perambunt, ab illo inquam Pectore, in quod vastus ille, ac planè WY-
ZYCCIANVS spiritus, innumerorum Præsulum, immortalia Sacra ac Ci-
vilis Purpuræ lumina collegit, postquam unus omnium mentes occupasset.
Videt Te hodie PRÆSVL ILLVSTRISIME videt Polonia, ad Chet-
mensis Insulas sublimatum, & in Te spectat ardentes Zelo Præsuleo Augu-
stinos, liberâ pro Deo & Ecclesia, svadâ animatos Ambrosios, adorât in-
trepidî animi Chrysostomos. Te ad fastigium Præsuleum assurgente, as-
surgunt in fortunata omina Ara, foci, Divorum Immortalium delubra,
gaudentq;

gaudentque tot Præsulum in te animatas virtutes, quot Præsules Tuis virtutibus animasti. Zelum illum Operosissimum ac planè Wyzycianum, vidit toties Podolia, Volhynia, spectavit & stupuit Strigonium ubi IOANNIS Inviictissimi, triumphalium itinerum ac periculorum Comes, aperuisti toties profusam in munificentiam manum, quoties pectus in amorem auxiliumque miserorum reclusisti. Campus Martius Cladibus & mortibus horridus, feraces Tibi Zeloque indefesso meritorum exhibuit Colonias, in quibus longa viarum Regionumque inclementiâ, ac aeris intemperie fatigentem militiam, quâ spiritualibus monitis ad cogitationes aeternas, quâ temporalibus praesidijs, ad bellica molimina relevans, divinaque humanis jungens subsidia, Magnus ex utroque Opifex, tot Civicas collegisti, quot Cives, Celo ac Patriæ, cum praesenti vitæ Tuae discrimine conservasti. Videre erat in illa belli calamitate, alios animo, alios corpore cadentes, Te omnibus parem subsistere relevandis, audire licuit atatus sexusque promiscui voces, Te suum Trianum Tuamque opem implorantes. Te parvuli noscere, ostentare Iuvenes, mirari senes, ægri quoque neglecto medentium imperio, ad conspectum Tui quasi ad salutem sanitatemque proropere: Inde alij se satis vixisse Te viso: alij nunc magis esse vivendum prædicabant. Credo ego inter lituos Mavortiales, commune omnium Tua manu sublevatorum personuisse unionium: talem debere esse, cui ad Præsuleum solum sublimando, salus populorum, Divinorum cura, Ecclesiæ honos & tutela merito à superis credi, debere censeatur. Hanc eandem pectoris & dexteræ Tuae munificentiam, inter alia plurima Religiosorum Asceteria, colit imprimis coelestique perenniter sacer Canonicorum Ordo, ac Conventus Mstoviensis, cui quantum profueris, quantum eundem auxeris, me tacente, MAGNIFICÆ Moles, & Saxa loquentur & Aræ. Premisisti Pontificalibus Infulis, Abbatia Cervenensis Tiaras, non ignarus, minoribus curis exercendum aptandumque fuisse caput, ad Pontificia molimina; ad culminaque Præsulei honoris ascensurum pedem per humiliores ascensus explorandum, nec prius Pastoralis pedo fulciendum, nisi postquam inter ardua gerendarum rerum discrimina, immobili gradu substitisses. Hisce itineribus Magne Pontifex ad Insulari honoris fastigium traheraris potius, quam procedebas: nec postquam ad hasce Præsuleæ dignitatis Aras constitisti Te ipsum, id est Optimum (ut plerisque novorum honorum insignia induentibus, istæ placent exuvia) exuisti: manet Tibi idem sub Pontificia purpura,

pura, qui fuerat sub Toga Religiosa candor, nullo custode, nullisque secu-
ribus, Præsulea horrent atria, Pontificia fascia fascies placent, quibus cor-
da animosque omnium Tibi devincias. Non Tibi inaccesa, ac pluribus
Admissionibus quærenda Authoritas, supra ceteros dignitate proventus, ta-
lem Te privatis exhibes, qualem privatus ipse optares, Trajani boni-
tatem æmulatus, omnibus spectandus offerris, nec magis communē
hunc solem, atque diem, quàm Te oculis affatuque usurpare con-
ceditur. Refutas affectatam quorundam superbiam, qui dignitati suæ
detrahi putant, nisi in Palatij Sacrario, tanquam occultum Numen ve-
neratione secreta consulantur. Manet Tibi eadem quæ prius humanitas,
affabilitas, facilisque accessus: hæret lateri Tuo quisquis accessit, finem-
que sermoni, suis cuique pudor non Tua superbia facit. Quantus inde
Tibi Civium amor, quantum ex amore dignitatis Præsuleæ incrementum!
De Te illud verè affirmaverim, quod nonnemo suo in Principe opta-
verat, vives in omnibus, vivemus in Te omnes.

Portaverit Aaron in Rationali suo nomina Filiorum Israel, nos Ma-
gne Præsul, Martios Majorum Tuorum vultus, è vultu Tuo in pectora-
les Rationalis Pontificio-Philosophici gemmas transferimus. Dixerit quis-
piam, viso Solone, vides omnia, hîc Græcia, hîc Athenæ; veri-
us in Te NICOLAE Gloriosissime, virtus & natura, ita Divorum Majo-
rum expressit Imagines, ut in Tuo unius vultu, omnium Effigies spe-
ctare, in pectore magnanimas omnium mentes admirari, in pectorali Pon-
tificio, Spartana WYZYCCIORVM pectora adorare, sit necesse; hîc Græ-
cia, hîc Athenæ. Primum in Pectorali Tuo locum obtinent, vene-
randi vultus, gemini Geraldî, quorum Primus Vratislaviensis Præsul, In-
victi Loketkonis ad Ioannem XXII. Pontificem Maximum Fecialis, in Gen-
tilio crucis signo, feliciter Cruciatam reportavit, postquam pro cruce
cùm Crucigeris, & Religione cum Religiosis malè feriatis, decertaturo
Principi, Octogona Crux mille bellicos cruciatus & cruces hosti, Polo-
niæ felicia belli victoriæque omnia retulisset. Alter Geraldus Orientalis
Ecclesiæ & ritus Præsul, quantum Occidentali Ecclesiæ luminis pepere-
rit, plurimorum à Capite Ecclesiæ divisorum membrorum, unita per eum
& fides & virtus, serò venturæ dicet posteritati. Hoc demùm Gentili-
tium Crucis Octogonum, in Wyzyccianas Ceras cum sanguine transfu-
sum, triumphalibus Aras Gradivi, laureatis altaria Consi implevit pro-
digijs. Atque ut Wyzyccianam Crucem, in pace & bello, Thaumaturgam
Orbis

bis non dubitaret, super Aras, etiam Orthodoxæ Religionis, tot eam be-
precantium Civium exornant vota, mille belli pacisque illustant lu-
ina, qua veterum Religione Vestalium, confluentibus hinc inde cognata-
um Familiarum Gentilijs Ceris, ipsa nutrit ac custodit aternitas, Po-
nia tota, sub nubilam belli noctem, Martisque tonitrua, salutarem illo-
um lucem experitur. Ardet Iulium sidus velut inter ignes luna mi-
ores, atrasque fatorum dissipat noctes, IOANNES STANISLAUS

Wyzyce WYZYCKI Terrarum Kijoviensium Vexillifer, Tuus Præ-
sulis ILLUSTRISIME Genitor, Sago & Toga clarissimus. In splendorem
cemque ejus perennem transijt erepta tot es Kozarico, Musurmannico, Pan-
onico, Moschoritico, Scythico, Gridivo vitalis lux, non indignum rata,
rucem Wyzyccianam hisce indignorum luce luminibus radiare, cum eti-
am ipsorum Divorum Immortalium Ara mortalibus luminibus coruscare non re-
quant. Intendit extenditque Paternos Ioannis Illustrissimi splendores, quin-
que Polonarum Serenitatum Ævo, Coeva ætas, & merita: primi quasi di-
culi lucem, ab exorta è Polo Svetico, Polono Cælo, Sigismundi III. Se-
renitate est auspicata, serenum gloriæ Immortalis mane, à fortunatissima V-
adislai IV. Majestate derivavit: meridianam lucem sub Martio Ca-
simiri ac Michæelis sudo induit. Stetit demùm in auge sub Ioanne
postquam sub illo Serenitatum sole, sub illo Serenissimorum Maximo, gran-
e atatis, meritorum, gloriæ, per tot incrementa provecta, ipsum plane
plstitium attingisset. Fortes creari fortibus, si ubi degener ab Avita for-
titudine partus, inter Apocrypha recensuit, in Domo Illustrissima Wyzy-
ciana oraculi fidem huic vatis effato inesse, probavit in facie Martis Po-
ni, GEORGIUS à Wyzyce WYZYCKI Capitanews Varvolnicensis
Tuus Præsul Illustrissime Frater Gloriosissimus, qui in Sacro adversus Ortho-
manos bello, fortis ac planè Wyzycciano fato salutis Patriæ immortalis, se-
am heroum docuit posteritatem, illud demùm heroicum, ac planè Wy-
zyccianum esse, inter lituos & tela vitam agere, stragibus ac mortibus in-
ubare, fati gloriæ emere immortalem. Pari, inter laureas & Pal-
las triumphales passu, assurgit ad immortalitatem Thomas Wyzycki Ge-
rgij fortissimi è Patruo Frater, qui Paribus in bello Orthomanico victima
alutis Patriæ occumbens fati, Orbi exhibuit universo, solennem hanc Do-
nus Wyzyccianæ legem nascendi esse, non sibi sed orbi nasci, nec aliam
vivere vitam, nisi qua gloria gentis, salusque Patriæ animetur. Hanc
emum veritatem immortalibus approbavere fati, Michael Wyzycki sub
Hocimo, Stephanus Wyzycki sub Bractaw, marciales spiritus cum san-

gvine profunlentes, simulque veterum Æmiliorum ac Fabiorum gloriam
 inter atrocita funera suscitarent, hoc dispare fato, quod omnes Fabios, n
 omnes Wyzyccios una dies sustulisset. Nicolaus Wyzycki Polona pro
 bertate in campis Batoh dictis captivus, Romanorum Torgvatorum dignit
 tem, inter feralia vincula pedicasque barbaricas in Domum Wyzycciana
 reduxit, postquam è Patria, pro Patria in duram captivitatē excessisse
 Quid memorem grandia Wyzycciana Domus columnina Stanislaum Wyz
 cki Capitaneum Tymbarensē, Magnum Sago & Toga heroem? & Ioanne
 Wyzycki Vexilliferum Kijoviensē, alterum Tuum Fratrem Præsul m
 xime, hic imprimis Iacobi Poloniarum Principis auspiciā secutus, Mare
 Caraphraçti Aquilifer, Vkrainenses, Moldavicos, Geticosque Campos, ne
 tam Martijs passibus quàm laudibus peragravit, tandem Lubomirsciam
 Magni Marefchalci Cohortis Loricatæ ductor, Crucis hostibus octogonam Cru
 cem opposuit, quam novo prodigio, non jam demisso, verum deciduo ca
 pite toties barbari adorarunt, quoties istud Wyzycciana Domus insign
 super Polona labara clypeosque refulsit. Hisce Immortalibus pluribusque
 lijs Wyzycciorum Nominibus, super pectorales Rationalis Tui gemma
 expressis, affulgent cognatarum Familiarum Nomina & decora: Ornant Ra
 tionale Tuum, non unam paritura Minervam ZACWILIKOWSCIORM
 & LIGEZARVM Capita, advolant ad custodiam non jam auri, sed Pon
 tificiarum gemmarum Gentilitij KONARSCIORM Gryphes, distinguunt
 gemmas purpureæ MŁCZENIORM Rose & OSVCHOWSCIORM Li
 lia, candidam pro Patria spirantia animam. Denique in decus Tuum
 Tuique Rationalis confluunt concentranturque Avita Tuæque Domui Illu
 strissimæ cognata, Svantopelkorum & Czertvertensciorum Ducum, PRA
 ZMOWSCIORM BICZYNSCIORM, CHOYNSCIORM, OSZVLE
 WSCIORM, BORKOWSCIORM, WOLSCIORM Ducum CZETWER
 TINSCIORM, CETNERORVM, ZABOKLICCIORM, SKOTNICCIO
 RVM, KASZEWSCIORVM, KOSAKOWSCIORM lumina univers
 in Tuum concurrunt decus, suum veluti in solem radij, in cor venæ
 in fontem rivi, universa flumina in Oceanum aquarum regna
 torem.

Habes Præsul Illustrissime in Pontificio-Philosophico Rationali, non
 jam res Italas Romanorumque triumphos, verum Tua Domusque
 Tua Illustrissima præclare facta Nominaque expressa, quæ ubi Pontifici

pectori indueris, inter pectorales gemmas Tuas, Te Præsulum gemmam
& gemmarum Coronam relucere non dubita. Vive Præsulum Gloriosis-
sime atates Ecclesiæ perennes, Patriæ aureas, pupillis Musis beneficas,
Te longævum, Felicem, fortunatum, dibaphis Muricibus purpuratum
Præsulem, Te inquam

Te cuncta loquatur
Tellus, Te varijs scribant in floribus horæ,
Longaque perpetui ducant in secula fasti.

Ita precatur

E voto Philosophicæ Palladis Ho-
nori WYZYCCIANO devinctissimæ

Ignatius Sienkiewicz

Philosophiæ Rationalis Auditor



FVNDAMENTVM

RATIONALIS PONTIFICIOPHILOSOPHICI
TEXTVS SACER EXOD. 28.

Rationale Iudicij facies opere Polymito, iuxta texturam superhumeralis ex auro, Hyacintho & purpura, coccoq; bistincto vers. 14.

Ponesq; in eo 4. ordines lapidum, in 1. versu erit, lapis Sardius & Topazius & Smaragdus vers. 17.

In 2. Carbunculus & Sapphirus & Iaspis vers. 18.

In 3. Lygurius, Achates, & Amethystus: vers. 19.

In 4. Chrysolitus, Onychjnus & Berillus inclusi in auro erunt per ordines suos vers. 20.

Portabitq; Aaron nomina Filiorum Israël, in Rationali Iudicij super pectus suum, quando ingreditur sanctuarium, memoriale coram Domino in æternum vers. 29.

Pones autem in Rationali Iudicij, Doctrinam & Veritatem, quæ crunt in pectore Aaron, quando ingreditur coram Domino vers. 30.

GEMMA. PRIMA

RATIONALIS PONTIFICIOPHILOSOPHICI
SARDIVS.

In primo versu, id est in prima linea vel serie Rationalis Aaronici, erat lapis Sardius, in Hebræo dictus Edem, à Verbo Adam, quod significat rubrum, est enim gēma hæc rubei coloris, quam Arias Montanus putat, nomen accepisse a sanguine, cujus colorem refert, esseq; eandem cum nostro Rubino. In hac prima Gemma, clucet Rationalis scientiæ.

2 VERITAS PRIMA

Rationalis scientiæ est, nescire artem.

Hanc Rationalis scientiæ & Veritatem & Naturam, Color rubeus Sardij depingit, teste enim Isidoro lib. 18. Etimol: cap. 7. de color: Color rubeus, hanc speciem a Natura habet, cum tamen plures alij colores finguntur aut arte, aut aliorum colorum permixtione. Ita, & Sardius Naturali purpura gloriatur, & Regina scientiarum Logica, Artis fictiones fucosq; non admittit, nativa sciendi & contemplandi venustate contenta.

DOCTRINA ETHICA I.

Bartholomæus Anglicus lib. 16. de proprietatibus gemmarum. cap. 89. testatur, gemmam Sardium licet sit pretiosa & pulchra, a multis tamen reputari novissimam. Quid illustrius arte? quam Ducem naturæ appellat Tullius, ejusdem formatricem vocat Fabius, cujus demum utilitatem Galenus appposito sanè schemate proponere videtur, dum Fortunam ex una parte collocat, gubernaculum manu tenentem, cœcam illam, globo insistentem volubili, passis per humeros crinibus: Ex adverso verò Artis inventorem Mercurium, vigentem corporis & animi viribus juvenem, acribus oculis, cubo, id est quadrangulâ lapidi insidentem: nempe in Fortuna naturam expressit, quæ licet ad sapientiam aliquid conferat, cœca tamen est ac instabilis: Mercurius verò Artis imaginem exhibet, quæ, ut ait Cicero *in unum spectantibus, & nunquam fallentibus rebus continetur*. Hos titulos splendoresq; artis, nativæ retinens caliginis, averfatur Logica, vel quod verior hic Sardius, pretiosa scientiarum gemma, Philosophicæ memor professionis, novissima reputari, & sub nominali caligine latere

3

tere perambiat, non ignara, plerumq; incultas esse ædes in-
tus, quæ foris nitent: res magna, unionis naturam sequi-
tur, pretiosissimus Thetydis fatus: rudi conchâ tegitur, nec
obvium nec vulgare est, quod pretiosum: vel quod divi-
narum humanarumq; scientiarum antea mbulo scientia,
Divinitatis naturam imitatur, cui utiq; nil erat solenniùs
semper, quàm sub nube & latere & apparere, hinc forsitan
maximis Religionibus, lucos prætexuit antiquitas, quasi
majorem venerationem habituris ex abdito. Nunquam
clariùs relucet Cœli sidera, quàm de nocte; hinc stellæ in
cælo obscuro renidenti, noster inscripsit Menestrierius:
mihî decus ab umbris.

*Clarior obscuro resplendet Cynthia calo,
Squallida cùm nigra, tempora noctis eunt.*

Plures publicæ lucis filios, privatæ tenebræ pepererunt,
pariuntq; indies:

*Sub nigra splendorem produnt nam nubila: fies
Clarior unde minus, clarior inde magis.*

Iulius II. Pontifex Max: habuit pro Symbolo turrin in
rupe, & solem inter nebulas abditum cum lem: *post tene-
bras spero lucem.* Ita obscuri inter domesticas umbras la-
titantes, sole tandem clariùs orbi effulsere Alexji

Babusius. Ignoti major laus est & Gloria, Alexis,

Nunquam tam celebris, nî latuisset, erat.
Plures obscura caligo peperit Fulgentios, plures affectata
Serenitas, in orbis busta accendit Phætontes, ut extingue-
ret: Non unus Tiberius, *ante imperium sine fama fuit, quia
latuit, in Imperio infamis, quia non latuit, clarior futurus, si fuisset
obscurior.*

Theſaur
Comes

DOCTRINA ETHICA II.

Andreas Baccius de gemmis cap. 2. docet, Sardium
valere contra Onychen, nam onyx, qui dicitur habere
quas-

quasdam nocivas qualitates, non potest eas in præsentia Sardij, producere ad effectum. cuius artis hoc opus est? an non sola natura has gemmas ita sibi opposuit, ut vel ad solam præsentiam alterius, altera suam deponat activitatem? Logica speculativa, Sardius est, intra suæ contemplationis Sphæram, nullam artis patitur activitatem, imò postquam contemplativæ scientiæ naturam induisset, artis naturam in tantum exiit, ut inter cardinalia iura, principalesq; status sui rationes recenseat, cum omnia sciat, nescire artem. Hæc eadem tam proficua orbi Sardij cum Onyche Æmulatio, magnas illas animas designat, quibus pro prima, fortia audendi, arte stetit, præsentia magnanimatorum facinora observasse. Ita Themistocli, Miltiadis trophæa ignavum soporem excussere, ita languentem Thesei animum, Herculis gloria in mille pericula totidemq; protrusit victorias. Iulius Cæsar cum otium natum in Hispania, in Herculis templo picta Alexandri trophæa, attentius perlustrasset, ingemuit, & quasi pertæsus ignaviam suam, quod nihil tum a se memorabile actum esset inætatē, qua iam Alexander orbem terrarum subegisset, ad suos conversus subiecit: *Hæc Iuvenis Alexander, vos autem quid?* Alexander viso Achillis sepulchro, illachrymatus est studio gloriæ, & æmulatione virtutis, eumq; felicem prædicavit, cui contigisset habere laudum suarum præconem Homerum. ita his Heroibus pluribusq; alijs, ad excelsa facinora, *stimulos dedit æmula virtus.* Lucanus l: 1 Pharsaliæ

DOCTRINA HISTORICA

PLinius libro 27. cap: 7. docet, Sardium igneam habere speciem & transluere: Abulensis ex Dioscoride, Marobæus Gallus in suo Lapidario, has virtutes Sardio ascribunt, *gaudium accendere, timorem depellere, acuerē mentem, audaciam nutrire, & maleficijs resistere.* En quot quantaq; in uno lapide naturæ miracula! nullius artis industriæ ac æmulati-

5
mulatione comparanda, quæ utiq; naturam arte, tantò potentio-
rem probant, quantò majora in dies naturæ miracula, & ingeniū *miserâ fortunatius arte experimur*. Respice gē-
mas, ac in primis gemmarum prodigium Achatem; & in co-
innumera naturæ miracula obstupesce. Ioannes Eusebius
Nierembergius, vir omni eruditione clarissimus, in sua
Philosophia curiosa lib. 8. cap. 5. refert, Venetijs in tem-
plo S. Marci, Achatem asservari, in quo naturaliter homi-
nis imago est delineata.

A Andreas Baccius de gemmarum natura: cap. 1. refert ex
Camillo Leonardo, qui viderat Achatem cum septem
arboribus in una planitie naturaliter expressis: & ex Hieronymo Cardano, qui testatur se tres habuisse Achates va-
rios, unum cum capite Galbæ colore ferrugineo: alium
cum multis oculis albis, ac quasi pupilla in medio ferrugi-
nea: tertiū cum effigie ignis ardētis, fumi & cærulei. Neq; hoc
soli Achati est proprium, nam citatus Eusebius ibidem c. 7.
refert, lapidem Ravennatis, quem examinavit Paulus III, in
quo invenit absq; ullius artis beneficio, sacerdotem vesti-
bus sacris ornatum, & sacrificium missæ celebrantem, & ele-
vantem Sacrosanctam Hostiam.

I N Hispania prope Numantiam, (vulgò foria) lapi-
des reperiuntur, qui cā parte, quā confringuntur,
Crucis vexillo rubricantur, naturaliter. Insuper non longè
a Madrito, religiosè colitur Xti Crucifixi imago, in quodam
lapide, naturali penicillo depicta.

D E inde in territorio vulgò dicto Clavio, in quo B. Ia-
cobus Hispaniarum Patronus, contra Mauros acer-
rimè pugnavit, hodie reperiuntur lapides innumeri conchis
& vasculis peregrinorum naturaliter signati; quo ornatu B.
Apostolus, in illo bello super equum sedens pugnavit, ita
refert citatus Eusebius. Qvis alia innumera in lapidi-
bus & gemmis naturæ miracula recensere? Plurima uno
claudam Achate, scribit Plinius lib. 37. cap. 1. Pyrrhum
Epirotatum Regem Achatem gemmā habuisse, in qua no-

miranda in lapidibus.

mirabilia

vem Musæ & Apollo Citharam tenens spectabantur, nullâ arte, sed solâ naturæ solertiâ ac virtute, sponte maculis ita discurrentibus, ut Musis quoq; singulis, sua redderentur insignia. de hoc ita cecinit Mardobæus Gallus in suo Lapidario.

*Rex Pyrrhus, digito gessisse refertur Achatem,
Cuius plena novem, signabat pagina Musas,
Et stans in medio Citharam tangebatur Apollo,
Naturæ non Artis opus mirabile dictu.*

Quid de Irrationali quadam Brutorum intelligentia dicendum; in quibus natura artis & rationis ita supplevit industriam ut superaret, postquam rudis ipsa & iners variarum virtutum & artium magistra evasisset adeò ut in multis rebus, hominẽ animalium debere esse discipulum, pronunciâret Herophilus.

Docent inprimis Virtutem animalia: Prudentis effigiem Lege in Paguro, patitur fugitq; occasiones rixarum, dum se inermem uidet, donec armis reparatis valeat. Temperantis formã cape ab Iuana serpente, qui per multos Ieiunus dies inediam colit. Iustitiam avis Dicerus docet, excrementa sua venenata & letalia defodiens, ne cui noceant: Religionem Elephanti, qui adorant & salutant Cælum latice Anuli fluvij loti: Ciconia docet pietatem erga Parentes senes, officijs suis eos allevians ac supra se portans. Ossifraga docet misericordiam, derelictos Aquilæ pullos sustentans. Cassiæ aves docent veram amicitia, nunquã conspiciuntur ab incolis, nisi cùm illarum auxilij opus, contra Locustas. Apum Rex, nullo, vel suavi ac innoxio aculco, docet clementiam: ipsæ apes fidelitatem in Regem, quærunt aberrantem, gestant infirmum, deferunt nunquam. Mansuetudinem discce à Leone; si cicuretur præ omnibus mitis ac mansuetus est. Fuit Barcinone Leo, qui ut suam frangeret iram tanto animo se compressit, ut subitò exanimaretur. Generositate infirmioribus parcentem, discce a

II Virtus discenda ab animalibus.

disce a canibus. Indiam petenti Alexandro Magno, Rex Albanæ dono dederat inusitatæ magnitudinis Canem, cuius specie delectatus Alexander, iussit Vrsos, apros & deinde Damas emitti, contemptim jacente cane; quâ se. *Christians Paulinus in observationibus Medico physicis.* gnitie tanti corporis offensus Imperator, iussit eum interimi: nuciavit hoc fama Albano Regi, itaq; alterum mittens monitum dedit, ne eum in parvis vellent experiri, sed vel in Leone, vel in Elephante: nec distulit Alexander Leonemq; protinus fractum vidit. Postea Elephantem iussit produci non alio spectaculo magis lætatus canis; horrentibus ergo toto corpore villis, primum latratu intonuit, mox ingruit assultans, belluamq; irruit, hinc & illinc artificiali dimicatione infestans, donec assidua in gyrum currendo vertigine, eum afflixit, ac tandem arreptum prostravit, ad casum Elephanti tellure concussâ. A canibus etiam disce fidelitatem. Pyrrhus Epiri Rex iter faciens, vidit interfecti militis canem Dni sui cadaver, pertriduum sine ullo cibo custodire, miseratus hominem sepelire mandat, canem sibi duci: post aliquot dies, dum Rex exercitum lustrat, canis ad pedes Regis iacebat quietus, sed dum percussores Domini sui transirent, summa cum ferocia exilivit & eos invasit, identidem Pyrrho, blandiens, & quasi Significans illos esse: motus Pyrrhus, homines capi, examinari jubet: convictos criminis, plecti.

DOcent 2. Animantia bruta, præter Ethicam reliquas etiam Moralis Philosophiæ partes: Politicam docent apes, Oeconomicam formicæ, quæ summâ diligentia comparant in æstate hibernam annonam, construunt horrea servandis quæ collegerunt; præcavent indurando ad solis æstum ne corrumpatur triticum, sciunt etiam artem præcavendi ne fruges virecant, capitula enim granorum, corroduunt, quâ, virtus germinalis erumpit, cuius mutilatione sunt infæcunda. Tres Reipublicæ formas in jisdem invenies, Monarchiam in apibus, unius enim hoc regnum est. In formicis Aristocratiam, parent enim præstantioribus & senioribus. In gruibus Democratiâ, quibus popularis est civitas.

DOcent. 3. Animantia alias artes; artem loquendi discere a Psittaco. Cuidam Comiti de Flasco, Psittacus erat naturaliter humanas voces æmulans, qui cùm aliquando in Culina aliquid carnis assæ clam subduxisset, ab irata coqua fervente aquâ perfusus, capitis omnes plumas amisit, atq; hinc calvus factus est. Cùm verò tempore quodam, hospes quidam calvitie venerandus Comitem inviseret, eiq; ob reverentiam raso nudoq; capillitio aliquandiu adstaret, ab alite sequentibus verbis cōpellatus fuit: *Ha, ha Domine. nonne & tu de carne assata furatus es.* Res admirationem & risum movit præsentibus. Cardinalis Ascanius, Psittacum ducentis coronatis emerat, qui clarè & distinctè sine ullo defectu, a capite ad calcē, doctissimi viri instar, 12. articulos fidei potuit recitare. Psittacus vulgò, Papagallus dictus, in India, humanam vocem super omnia edit, adeoq; articulata verba exprimit, ut si eum non videris, hominem locutum putes. Ex natura salutat dicens *Ave* & cætera nomina addiscit. Vnde est illud, Martialis.

*Psittacus à vobis, aliorum nomina discō
Hoc didici per me, dicere, Cæsar Ave.*

Medicinam quoq; docent animalia. Ciconia enim cùm gravem se sentit, recentes arundinum scissuras speculata, ubi acutiores videt stirpes, corpus ei imprimens venam in crure aperit, & ita profluvio sanguinis exonerat morbidum corpus, tum vulnus limo obducit. Palumbes & Merulæ superfluos humores expurgant, Lauri degustatis folijs. Canes & feles ut allevient ventrem, quoties nimia colluvie sentiunt viscera oppleri, gramina rore perfusa comedunt, Aritmethicam Simij usq; ad stuporem noverunt: Oculatis testibus compertum est, in Peruana Regione Simias tantam cum incolis familiaritatem contraxisse; ut cum ijs pro argento colludant, & ubi eos vicerint, simul tabernam petunt bibendi causa, & pretium numerant ex lucro parto. Hæc sunt naturæ miracula

quæ

Christianus
Paulinus in
observationibus
Medicop.

Nierember
gus Hist.
nat. lib.
1. cap. 13.

quæ rara sint licet, in multis tamen quotidiana toties experimur. quoties non vulgares naturæ dotes, omni arte potentiores demiramur. Ovidius Forensi studio, Patris voluntate, quamvis invitatus se primis annis addixerat, sed ingenio ad Pœsīm formato, pro legum jurisq; repetitione continua carmina profundeabat. Vt, ipse testatur 4. Tristiū.

*Sponte sua carmen numeros veniebat ad aptos,
Et quod tentabam dicere, versus erat.*

MEnander Comicus supra ætatem ingeniosissimus, cum apud suos invidiâ laboraret, produxit in theatrum suam prægnantem, eiusq; exsecto utero, fatum inde protractum proiecit in Eurippum, ibi cum porcelli ductu naturæ acti, natarent, *Athenienses inquit (viri) si in tenuis annis scientiam meam miramini, istos natare quis docuit?*

Inter Asculanum & Dantem Pœtas, orta fuerat quaestio, natura an ars esset validior? arti subscribente Pœta Dante, naturæ suffragabatur Asculanus. Erat Danti Pœtæ Catus, qui arte instructus, ante eum dum legeret vel cibum sumeret, lumen tenebat. Pœta Asculanus, naturæ vim Viribus artis validiorem domestico exemplo comprobaturus, in scutula duos mures portavit, & ante catum lumen tenentem dimisit, catus mox proiecto in terram candelabro, naturæ vim secutus Mures insequi cepit, sicq; naturam ab Artis industria, ad sua iura redeuntem, arte potentiotem comprobavit.

GEMMA SECUNDA TOPAZIVS

Gemma Topazius 2. loco fulgebat in pectore Pontificis: Montanus lib. 3. de vestibus Sacerdotalibus cap. II. Theophrastus apud Alcazar in cap. 21. Apoc: viridis esse coloris & æmuli Smaragdo Topazium scribunt: in hac virenti gemma, elucet rationalis Philosophiæ,

B

VERI-

Ans et natura

VERITAS SECVNDA

*Plurimus labor Logici est, scire
nihil facere.*

Logicam purè speculativam hæc Veritas indicat, Topazius in se spectabilem proponit. Viridis nempe Topazij color, modorum sciendi, ab omni materia determinata avulforum venustatem adumbrat; qui hoc ipso Topazij, gemmæ scilicet virentis nomen merentur, quod natos ad cōtemplandum oculos intellectus, adcò delectent, & recreent; ut in sola illorum contemplatione defixus, plurimùm in eo laboris reponat, ut sciat nihil facere. Anaxagoras philosophus interrogatus, cur in vitam mortalem editus esset? respondit, ut *calum aspicerem*: Rationalis philosophia, non ad aliud est nata, nisi ut domesticum in modis sciendi Olympum contempletur, nec æquum censet, erectos ad trina hæc sciendi sidera vultus, ad practicas curas, & opera manuum hominum, inclinare; hinc tota illius occupatio, perennis contemplatio est, hinc *quanta, quanta est, & esse & dici speculativa scientia desiderat.*

DOCTRINA ETHICA I.

ABulensis ad caput 28. Exod. sic de Topazio scribit: *Iste est Lapis habens colorem commixtum ex auro, & cælesti, & ante solem positus, super cæteras gemmas elucet.* Otium negotiosum, seu otium sapientis, speculationem videlicet gemma hæc in se adumbrat, quam solis aspectus: aureis cælestibusq; absq; labore & penicillo coloribus depingit, ita mens per cōtēplationem tantò celsius coeloq; viciniùs assurgit, quantò profundius se soli coelesti otio immerferit, ut non immeritò in hunc Topaziù coronaria cæli lumina confluant, & in unum innumera con-

concentrentur: Hoc demum beatum otium nempe veri boni contemplationem super practicos labores curasq; hominum efferunt sublimes sapientum pennæ ad illudq; provocant omnes *tu memento interdum reddere te ipsum tibi, utere quoq; te, inter multos aut certe post multos. Otium est vacare: Deo, imo negotiorum negotium, in quo nullum admittitur otium.* Et Augu: lib. de Civit Dei. Nemo bonus negotium querit, nemo improbus, in otio fructuoso conquiescit. Enim verò ut ait Euripides, qui agit plurima, plurimum peccat. Hinc Seneca, in Epistolis suis, otium istud, prudenti viro passim svadet, quo ex actionum tumultu, tanquam in portum te tandem recipias, ubi te te primum, deinde humana pariter ac divina cognoscas. Huicq; subscribens agit: *Crede mihi, plus agunt, qui nihil agere videntur.* sequitur Tullius Senecam 2. de Orat: *mibi js liber esse non videtur. qui non aliquando nihil agit.* Hinc in Tusculum suum abire solebat, ut qui Romæ, Reipublicæ quodammodo fuerat, in Tusculano suis esset; ita enim de se ipso scribit, *Moror in Tusculo meo semilibet, quasi à Reipublicæ curis magna pars libertatis periisset, & ab otio tota redderetur.* Ciceroni consentit Seneca. Ep: 81. *secessi non tantum ab hominibus, sed etiam à rebus, & primum à meis, posterorum negotium ago.* Huic otio, ut negotiosius vacarent veri sapientes, Oeconomicas rerum temporalium curas, in alios transtulerant: ita habuit suum Origenes Ambrosium, Hieronymus Chromatium, Bernardus fratrem Viterbij defunctum, ut paternæ domus curarumq; levamen. Franciscus Elia suo, ob rerum experientiam carere non poterat. & ut antiquiora sæcula attingam: habuit suum Socrates Critonem, Epicurus Metrodorum, Apollonius Damidem, cæteri alios, curarum humanarum suffectios, cum interim ipsi in otio cælesti (ut verbis Tullij utar) *unquam minus otiosi quàm cum otiosi, nec minus soli quàm cum soli essent.*

Qui quorum Administratores.

DOCTRINA ETHICA. II.

Vincentius, Arnoldus, Berchorius, Rucus apud Alcazar, docent Topazio attemperari ferventis aquæ ebullitiones, nec eam effervesce pati, quamvis maximus admoveatur ignis: quibus addit Vincentius, si supra rem bullientem suspenditur, cessant ampullæ: quin etiam Rucus asserit, si anulum ex Topazio factum, quispiam teneat manu, posse eum, intra ferventis aquæ lebetem, manum securè iniicere. Nullus Ætna, Tænarijs licet ignibus ex æstuans, nullus Vesuvius tantis Orbem incendit ac consumit calamitatibus, quàm inflammata Regum ira, *tanta scilicet sunt animis cælestibus ira*. Desiderat Princeps effervescentes flammæ, & in damna populorum erumpentes reprimere, habeat præ manu Topazium, adsit consideratio, consilium, statera mentis, contemplatio, & cum plurima possit, sciat nihil facere; quæ Principe digna sunt cogitet, nempe quod.

Dixi proximus ille est.

Quem ratio, non ira movet.

Sequatur Princeps Effatum Iuvenalis sat. 13. *Ut sit magna, tamen lenta ira Deorum est*. Id præ oculis habuit sapiens Athenodorus, qui Augusto Imperatori, id consilij dedit, ut iratus nihil diceret faceretve, priusquam Græcum Alphabetum totum recitando percurrisset, ut iræ ardor, in ipso ortu, magni animi cogitatione opprimeretur. Verùm in eo genere longè humanior, ut Evangelio exultus Imperator Theodosius; qui legem tulit quâ cavebatur, ut dies abirent 30. priusquam sententia Capitalis, executioni mandaretur, hinc de illo Ambrosius oratione in obitu eius ait; *Tunc proprior erat uenia, cum fuisset commotio major iracundiæ, prærogativa ignoscendi erat indignatū fuisse, & optabatur in eo, quod in alijs timebatur, ut irasceret. Sanè multi, miris laudibus extollunt celebre illud dictum Archytæ cum meri-*

merito in servum excanduisset: *sumpsissem* inquit *a te supplicium, nisi tibi iratus essem.* Hoc exemplum sit præ oculis, pendeatq; ad pectus Principis, veluti divinus quidam Andromadas, quem lapidem ita nuncupatum ajunt, quòd accensas animorum extingvit iras. Sit præ manu Topazius, lenta deliberatio, quâ quia carvit, demens erat Cyrus, qui in transitu Gyndis Fluvij, obraptum fluvij vorticibus equum & mersum, irâ incensus ductum contra Babilonios exercitum, contra fluvium vertit, & tamdiu incubuit operi, donec 180. cuniculis divisum alveum in 360. rivos dispergeret & siccum relinqueret. Hinc orta de illo paræmia *Cyri dementia Gyndes.* dementior Xerxes, qui Hellesponto, 300. verbera inflixit, Impius & stultus Sapor Persarum Rex, qui divinitus, Njsibi impedita obsidione, discessurus, in Cælum sagittam quasi DEVM læsurus, ejaculatus est. Abulensis ait, Topazium valere contra phrenesim: Ira phrenesis quædam sævior est, quam utiq; brevem insaniam vocat seneca, & juxta Venu- sinum vatem *Ira brevis furor est.* Horat lib. 1. Ep:

DOCTRINA HISTORICA

PLinius lib. 37. scribit, Iubam Mauritanix Regem, invenisse Insulam Topazion in mari rubro, & inde gemmam quæ in ea reperta est Topazij nomen accepisse: nascitur idem lapis in Carmania sed inter altissimas rupes, & ut in Topazio Insula, ita hîc inter nebulas densissimas: & tamen Vincentio & Berchorio teste, Topazius omnes gemmas pretio & claritate superat. D. Ambrosius ait, auro similem esse Topazium, cùm solis splendore percutitur. Nihil vulgo hic lapis debet, quæ ita vulgi oculis natura subtrahit; ut non nisi interprofûda, nebulosaq; terræ viscera conceptus & ortus, soli tantùm suum & pretium & splendorem referat in acceptis: solitudinis & remotæ à strepitu vulgi Cœlestiaq; speculantis mentis hic lapis Symbolum est

*P. Barry
solitudinis
die 1.*

mentis inquam contēplativæ, cui nihil solenniùs est, quàm pretiosam esse, nec videri, plurimùmq; facere, cùm nihil agere videatur: Huius veritatis exemplum est in pretiosissimo Salvatore, qui ante Apostolicas curas, secessit in desertum. Ducem secuti, innumeri milites, ex quibus, Hieronymus purpuratus Eremita, Eremitum suam Urbanis præfert palatiis. cap. 4. ad Rusticū Monachum: *Mihi oppidū = carcer est, solitudo Paradisus.* Carolus V. cum orbis stupore à mundi strepitu, & Imperij luce se subduxit, de quo Sachinus, nostræ Societatis Historicus ait: *Carolus Maior fuit in Eremito, quàm in Imperio*

Philippo Nerio Romæ habitanti, Deus ipse hoc monitum dedisse fertur. *Philippe in urbe Roma, tanquam in deserto vivendum est.*

P. Barry
solitudinis
die 1.

Isabella Aragoniæ Regina, in regiam tesseram assumpsit duos flores, unum qui dicebatur Selenitropus, sive flos Lunæ alterum, qui vocabatur Hiliotropus, sive flos solis cū Lē: *Sequor & æternū specto.* Regius planè aspectus est, spectare Deum & Cælum; uti vile nimis ac infame, cælum tueri iussos vultus & oculos, in creaturam defigere, ut meritò inscribi possit, *figis in terra, quos mundo debes oculos.*

Hanc etiam æternorum contemplationem, otiumq; beatum, irracionales creaturæ nobis in se proponere, ac commendare videntur: Manūcodiata id est avis Paradisi, sive Dei, caret pedibus in aëre suspenditur, volatuq; perpetuo, in solem fertur; hinc teste nostro Iarricio a Lusitanis vocatur *Passaros de sol* id est avis solis. huic avi, si in terram deturbari casu aliquo contingat, facile capitur: In aëre ergo velut in arborum ramis, & super terram iacet, nec mirum hoc videri debet, parvitate enim carduelem vix superat, cùm pennarum ambitu aquilis non cedat; rore vivit, vaporibusq; & fortè animalibus parvis, si quæ sunt in aëris parte excelsiori, providente natura, ut quæ non nisi in aëre pendere poterat, nullo ibidem egeret alimento, & cùm ieiuna continuò intestina sunt, carnosum ta-

men,

15

men, & satis pingve corpus reperitur *Nierembergius hist:*
Nat: lib 1. cap. 13. qui Author eandem avem sic lo-
quentem inducit.

*Me vita pauper, iure ditas calico.
Conviva sum Dis, bibo florem nectaris,
Collega sum compar, ob inopiam Iovis,
Divinitatis ars, habere nihil fuit.*

A Vis hæc animæ, Cælestem vitam agentis Symbolum
est, cui meritò inscribi potest *Cælesti vescitur aurâ,*
vel, tantum cælestia quærit vel, sine pondere sursum.

IN Regione Saracenorum, reperiuntur aves Soraetes,
dictæ, quæ, à Dominica Passionis, usq; ad Resurrectio-
nis diem, nec canunt, nec volitant, sed quasi emortuæ,
pennis instar Crucis extensis, frondibus arborum implicatis
pedibus, se suspendunt. Addit Bartholomæus a Camer. quod
sub Ecclipsim Lunæ in his avibus cor rigore quodam sa-
xæo stupe scat, & oculi densissima caligine ecclipsentur.

Herba Mimosa dicta, eleganti virore prædita, singu-
lis noctibus sole occidente senescit, & siccat, sic,
ut contabuisse videatur, oriente verò sole vigorem denuò
recipit, sic anima humana tantum viget: quantum ad æterni-
tatis solem se convertit.

Astrion Lapis, Crystallo similis, in centro stellam con-
tinet lucentem, fulgore Lunæ plenæ: dicitur A-
strion idèò, quòd astris oppositus, fulgorem ab ijs rapit,
potest illi inscribi, illud encomium.

Cælum scrutatur in alto,

Cognatumq; sequens corpus, se quærit in astris. Manilius.

Synodites pusillus Lapis, solem habet impressum in se
& Lunam: hic lapis, Symbolum est, animæ per con-
templationem, Deo adhærentis, de qua dici potest illud
Pòetæ. *Tantum spectabat euntis*

Ora Dei, vultusq; suos flectebat ad illum,

GEM-

GEMMA TERTIA. SMARAGDVS

Smaragdus, tertium locum tenuit, in pectore summi Sacerdotis, & eundem inter gemmas obtinet, teste Plinio & Isidoro lib. 16. Etymolog. cap. 7. In hac gemma, elucet Rationalis Philosophiæ,

VERITAS TERTIA.

Logicus tunc disertissimus est, cum caret voce.

Veritas hæc elucet in Smaragdo quem Majolus dierum Caniculariū coll. 18. de Lapidibus, testatur tantum valere, ut ferocissimæ quæq; belluæ, in Cypro perterrefieri, & infugam agi consueverint, ob oculos è Smaragdo positos, in Leonis quadam statua; tantum ecce vis tacita valet Smaragdi, quantum fortè mille venatorum in vnum sonantes clamores non valerent. Desiderat Philosophus, cum Pericle tonare, fulminare, infensas patrio solo Græcias permiscere, Appetit hostiles belluas, a finibus Patriæ deterrere, præ oculis, in lingua Smaragdum gerat, nempe amantem silentij sapientiam. Hinc etiam *Voces ab obiecto Rationalis Philosophiæ excludimus*; quia rerum virum non verborum, factisq; magis quàm verbis disertum Philosophum desideramus.

DOCTRINA ETHICA I.

ABulensis ex Dioscoride hos effectus Smaragdo adscribit: *reddit persuasoria verba. memoria confert, visum acuit*. Nondiffiteor, plurimum in Societate humana valere voces, imò si adsit par vocibus & hominibus virtus, potentissimis viribus & viris, nomina ipso pæne timenda sono evadunt.

Ita

*Ita pro omnibus armis,
Et castrorum opibus, dextrisq; potentibus, unum
Annibalis fœ nomen erat,*

Ita de altero alter Poëta.

plus nominis horror

Claudi. d.

bello Gildo

nico

Quàm tuus ensis agit,

Quid, quòd voces non vulgariū quandoq; sunt in-
dies eventuum? imprimis enim sæpe simile nomen,
similis fortuna sequitur: omnes ex gente Æacidarum no-
minis interprete nece, divinitus occubuerunt. Iulias plu-
res, magna ex parte impudicas legimus, scilicet Iuliam
Augusti filiam & neptem, quas ille duo Carcinomata,
appellare solebat, & in exilium missas, vetuit suo inferri
sepulchro. Alexander Pontifex II, III, & V, Schisma
& Antipapam, sunt experti. Alexander verò VI, seces-
sionem primorum Antistitum. Duo Bruti, assertores liber-
tatis Romanæ fuerunt, eamq; tuendo fortiter occubu-
erunt. Sæpe etiam simile nomen, dissimilis fortuna se-
quitur, ita qui primus Imperator fuit Romæ, vocabatur
Augustus, qui ultimus Augustulus. Valent igitur pluri-
mum voces; at longè illis validius est, disertū sine voce silen-
tium, nec quidquam ita reddit persuasoria verba, quàm
verior Smaragdus, nempe temporis accommoda taciturni-
tas: hæc quia caruit Anaximenes Orator aliàs facundus,
cùm Orationē suam ordiretur, fertur dixisse Theocritus:
*Incipit verborum quidem flumen, mentis autem gutta. Gar-
rulis ejusmodi Psittacis, bene inscripsit noster Menestre-
rius: Dant sine mente sonos, & vox hominis, cætera brutum.*
Oportuna taciturnitas famam, importuna loquacitas in-
famiam parit. Hinc de quodam Poëta.

Cum te non nossem, Dominum Regemq; vocavi:

Cum bene te novi, jam mihi Priscus eris. Martialis

Inter Regias dotes insigne est & simillimū oblivioni silentium.
Regi (ait Seneca) viciferatio non ex majestate est. Et Augusti-

Barclaius l.

3. Argenti

cap. 7.

Quid sit taciturnitas et loquacitas

nus, in emittenda voce, nonne quod præco bene facit, etiamsi clariùs ac meliùs facit Senator insanus est? Certè Plutarchus, laudat Homeri exquisitum in hoc iudicium, quòd cùm de copijs loqueretur, tum Phrygum, tum Græcorum, illos ait in campum ut Barbaros processisse consimili clangore gruum, vocem attollentes, quippe subdit Plutarchus: *Vociferatio Barbarorum est, silentium Græcorum.* Catoni etiamnum adolescenti, vitio dabatur nimia taciturnitas, qui respondere solebat: *Carpant taciturnitatem, dum vitam probent. ego tum demum abrumpam silentium, cùm loqui potero indigna silentio.* Demosthenes, cùm Adolefcens quidam inter pocula, multa effutiret, subjunxit: *quomodo non didicisti tacere ab illo, à quo didicisti loqui? bene de tali Pòëta.*

Frustra Magistrum, qui loqui doceat rogas,

Tacere qui doceat pete.

*Plutarchus.
lib. 9.*

*Maseni
lib. 2.
famil. arg.*

Hinc Isocrates, ab altero Catone ad suam disciplinam aspirante, duplicem mercedem postulabat, causam roganti respondit. *Vnam inquit dabis ut loqui, alteram, ut tacere discas.* Ita taciturnitas, ad rectè loquendum est necessaria, attestante enim Sancto Laurentio Iustiniano: *Taciturnitas, bene loquendi principium est.*

DOCTRINA ETHICA II.

Mirum est, quod de Smaragdo refert Andreas Baccius cap. 5. nempe, ad Smaragdi aspectum, si diutius eum intueantur, serpentis oculos disfluere. Nec fabulosum hoc censerem, cùm D. Ambrosius lib. 6: Hexam cap. 4, testetur jeuni hominis sputum, si serpens gustaverit, statim mori. Nihil magis Patriæ salutare, nihil magis hostibus perniciosum, quàm consilia sine voce, idest arcano pressa silentio. Verior hic Smaragdus, exitialis semper erat, hiantibus in Regna aliena Draconibus, hinc maximis quibusq; rebuspublicis, semper pri-

ma cura fuit occultorum consiliorum. Apud Persas Reges, nemo consiliorum fuit conscius, præter Senatores taciturnos & fidos, apud quos silentij quoq; Numen colebatur. Lex Ægyptiorum iubeat, abscindi illi linguam, qui arcana Reipublicæ, quæ testæ esse deberent, alicui detexisset. Apud Romanos in gravioribus consilijs Reipublicæ, maximè in consilijs bellicis, revelantibus consilia, pæna Capitalis fuit, exstat & Lex Romana apud Paulum Iuriconsultum, cap. si quis aliquid 38. § transfugæ. quæ mandat, ut consiliorum publicorum renunciatores, ut transfugæ vivi exurantur, furcæ suspendantur. In Balaribus Insulis, laudabilis sanè mos viget secretorum consiliorum, Senatores enim secreta comitia instituturi, in campum proficiscuntur ibiq; profundissimo effosso antro, inclinatas facies illi speluncæ ingerunt, sicq; de Republica disceptant, consultantq; finitâ consultatione antrum illud terrâ implent, campoq; reliquo planitiem æqualem faciunt. Nèpe non bene, in apertis campis, & conclavibus, belli pacisq; fiunt occultanda consilia, quæ ventis celerior rumor excipit, per gentesq; inimicas differt ac spargit. Dum Midæ Phrygij Regis, iuxta morem, tonsor capillos capitis minueret, advertit apud Regem *aures asini*; Verecundiâ suffusus Rex obsecravit, imò & ingenti pretio obæravit tonsorem, ad rem secreto sepeliendam, servavit promissi fidem homo inter homines: verum in campo quodam, inter confertas arundines deambulans, tacito sibilo cannæ cuidam palustri insufurravit, *Midas habet aures asini*. Mox sibilus ille, ab una ad aliam pervolavit arundinem, adeo ut vix flante vento, mox toto campo verba illa resonuerint, ad urbemq; Regiam pervenerint, *Midas habet aures asini*. Fabula hæc docet, nullum tam securum, tam arcanum esse locum, cui secretum securè committi possit. Servandum igitur ubiq; Homeri monitum *Dicendum est aliquid, contra aliud reticendum*. Implevit ex

Secreta et silentium profuturi

asse monitum istud; Papyrius Romanus etiamnum puer. Mos Senatoribus Romæ fuit inquit Gellius, in Curiam cum prætextatis filiis (id est qui 12. ætatis annum excefferant) introire: tamen cum in Senatu res major quæpiam consultata, eaque in diem posterum dilata esset, prohibitum est, ut eam rem super qua tractavissent, nemo enunciaret, priusquam decreta esset. Mater Papyrij pueri, qui cum Parente suo in Curia fuerat, percunctata est filium quidnam in Senatu Patres egissent? Puer respondit tacendum esse, neq; id dici licere: mulier sit sciendi cupidior. secretum rei & silentium pueri minis & precibus aggreditur, compressiusq; ac violentius quærit: tum puer matre urgente lepidi atq; festivi mendacij consilium capit respondetq; *actum in Senatu num videtur utilius, exq; Republica esse: Unus ne vir ut duas uxores haberet, an ut una duos viros?* hoc illa ut audivit domo trepidans evolat, ad cæterasq; Matronas percurrit. Ad Senatum ergo postridie Matronarum Romanarum catervæ veniunt, lachrimantes atq; obsecrantes orant, una potius ut duobus viris nupta fieret, quàm ut uni viro duæ. Senatores, quæ illa mulierum intemperies, & quid sibi postulatio illa vellet? mirabantur: tum puer Papyrius in medium Curiaë progressus quid Mater audire institisset, quid ipse Matri dixisset enarrat. Senatus fidem atq; ingenium pueri exosculatus, decrevit ut posthac pueri cum Patribus in Curiam ne introirent, nisi ille unus Papyrius, atq; puero postea cognomentum honoris gratiâ inditum, *Prætextatus*, ob tacendi loquendiq; in ætate prætextata prudentiam. Rectè Cæcilius Metellus dicere solitus, *si indusium meum conscium secreti scirem, exemplò illud exurerem*. Pompeius dum Legatus a Gentio Rege interceptus, Senatus Romani consilia prodere juberetur, ardenti lucernæ admotum digitum, cremandum præbuit, eaq; patientia Regi simul & desperationem tormentis quidquam cognoscendi excus-

fit, & expetendæ amicitix Populi Romani cupiditatem ingeneravit: non ignoravit nempe Magnus, parum esse rectè deliberare atq; consulere, arcana nisi consilia silentio obſignentur. Hinc bene Iſocrates, *diligentiùs tuenda ſunt depoſita verborum, quàm nummorum*. Prædicanda ſanè Conſiſtorij Spirenſis conſtitutio eſt: *In ſenatu geſta, dicta, judicata, æterno ſilentio regunt, nihil injuſſu Caſaris revelant*. Ob hanc forſitan cauſam, Curix conſiliorum, ſilētium olim appellabantur ut ſcribit Paulus Diaconus hiſtoricus Miſcell. lib. 22. & lib. 21. ait *Leonem celebraſſe ſilentiū in Tribunali decē & novem accubituū cōtra Sanctas imagines*. & lib. 23. Irene factō ſilentio in triclinio Juſtiniani remiſit tributa, locus ille vocabatur *ſilentiarium*: ſilentiarij vero dicebantur, qui ibi excubabant: Et apud Zenonem Imperatorem, inſtitutum fuit officium Silentarij Magni, hoc verò munus tantæ erat dignitatis, ut illud etiam geſſerit Anaſtaſius Zenonis in Imperio ſucceſſor, cū prius fuiſſet Magnus Silentarius, cui vi muneris incumberebat præcavere, ut omnia conſilia tacitè ſine clamoribus & ſtrepitu abſolverentur. Obſervent ergo Optimates Reipublicæ, & Conſiliarij Regum, monitum Tullij, *loco Senator & modo orato*, imitentur Deum Silentium, quem Cælius proponit toto corpore oculo auritumq; , ſed aſtomon, ſine ore: cui inſcribi poteſt, quod quiſpiā cælo ſideribus diſtincto innumeris, inſcripſit: *Oculorum multum lingua nihil*. P. Menſtrivius.

DOCTRINA HISTORICA

SMaragdus peregrinas impreſſiones non patitur: nam in luce, in umbra, eodem modo mittit & lenem & ſvavem ſplendorem. Peregrinæ impreſſiones primò ſunt monſtra linguæ. ſcribit Diodorus de Iambolo, in Inſula meridionali repertos fuiſſe homines, linguæ biſidæ, atq; biſulcæ oſſiumq; mobilium, & qui pluribus ſimul re,
ſponde.

Id.

ſecunda ſententia

sponderent. Inveniuntur etiam serpentes in lingua mon-
strofi teste Aristotele, lib. 2. cap. 17. de animalibus; *ser-*
pentibus (ait ille) *summa eorum lingua bifida est*: quin ejs-
dem etiam tripartitas esse lingvas, tradit Plinius lib. 11.
cap. 13. *Bifidæ, bifulcæq; lingvæ*, denotant eos, qui
non cum Principibus, sed cum Fortuna Princi-
pum loquuntur, & ad fortunæ mutationem, ho-
rum quoq; Aulæ Vertumnorum, vertuntur lingvæ & sen-
tentia. Ad aspectum principis assidui Laudenses & Pla-
centini, occinunt cum Harpago *Mihi placet quid quid*
Rex facit: post cortinam aliud hi Græculi mustitant.

Pompeianus ego, si vicerit omnia Magnus.

Omnia si Caesar, Casarianus ego.

ITa fortunā peramq; Regū non unus venali comitatur
Curio lingvā, ita lucri adstrictus compedibus lingvæ ven-
dit obsequium, & dum animus habendi libidine subjugatus,
presumptum jam temerè existimat compendium, sic ingruentia
per lingvæ exercitium, nescit timere discrimina. Ita pleriq;
Clamosi rabiosa fori jurgia vendunt,

iras, & verba locant. Seneca in Herc Furent.

Lingvas & iras vendimus, & manum.

Hæc unde nummi, aura refulserit.

Sparsiq; tinnitus ad auri,

Sollicita vacat aure vulgus, Sæb. lib. 1. od. 5.

SECUNDÒ, fuerunt, qui peregrinarum lingva-
rum peritiam, vitiosas lingvæ impressiones cen-
suerunt. Tiberius quamvis in lingua Græca valde prom-
ptus & facilis erat, nunquam tamen illâ utebatur, imò
in senatu, tanquam vitiosâ abstinuit adeò, ut Monopo-
lium dicturus, prius veniam postulaverit, quòd sibi pe-
regrino verbo utendum esset. Alcibiades reprehenditur
à Galeno, quòd lingvarum cumulo uteretur, unam enim
tuendam esse censet, habebatur enim tunc pro miraculo
si quis duas lingvas novisset. Vndè & Geryonem, ut
mon-

strum tricorporeum fingunt fabulæ, & tria corda habentem, propter tres lingvas, quas callebat. Item Erychtonium hominem biforem, parte corporis inferiore Draconis, superiore hominis fabulantur, ob Ægyptiæ Græcæque lingvæ peritiam. Testatur & Gellius Ennium, tria corda sese habere dixisse, quod loqui Græcè, Oscè, & Latinè sciret. Britannii, mulieribus exteris lingvam præcidisse scribuntur, nè filios suos, peregrinum docerent idioma.

Verùm ego censeo, ad utilitatem Reipublicæ pertinere notionem lingvarum diversarum, id svadet exemplo suo Paulus I. Cor. 14. *Si enim (inquit) nesciero virtutem vocis ero cui loquar barbarus, & qui loquitur mihi Barbarus.* Et infra *Gratias ago DEO meo, quod vestrùm lingvis omnium loquor.*

PRinceps Principumque Legati, maximum faciunt incrementum dignitatis suæ, si per seipsos, non per interpretes cum varijs loqui possint. Mithridates Pontiatque Bithyniæ Rex, duarum & viginti gentium, quæ in ejus Regno erant, lingvas perfectè calluit, ita ut omnes subditos, quemque suâ lingvâ, tam promptè & scienter alloqueretur, ut nullam aliam nôsse videretur.

Crassus cùm Asiæ præesset, quinque Græci sermonis differentias, sic tenuit, ut quâ quisque apud eum lingvâ postulasset, eadem sibi jus redditum ferret. Cato Censorius, cùm Populi Romani nomine, Legationem apud Athenienses obiret, quia Græcè ipse nesciebat, per interpretem locutus est, ibi quòd ea quæ paucissimis verbis Cato dixerat, interpretes vix longis ambagibus referret, Athenienses, Orationum dissimilitudinem mirati, *Romanis sermonem in pectore, Atheniensibus in ore nasci dixerunt.* tantum scilicèt, à genuina Authoris mente, interpretis Orationem distare judicarunt, quantum inter cor & labra est interstitium.

Themistocles, cum Athenis profugus, ad Regem Persarum concessisset, animi sui petitionem exponere noluit priusquam Persicam linguam didicisset, ut sine interprete cum Rege loqui posset. Turcæ barbari licet, & à literis maximè alieni, cum re ipsa linguarum videant utilitatem, *quot linguas quis callet, eodidem viris cum æquivalere vulgato proverbio distant.*

GEMMA QVARTA CARBUNCULVS

In secunda gemmarum Rationalis Pontificij serie, Carbunculus imo, in Pectorali quarto gaudebat loco, in hac gemma Rationalis scientiæ elucet

VERITAS QVARTA.

*Logicus tunc etiam loquitur verum,
cùm dicit falsum.*

Paradoxum hoc, veram ac infallibilem thesin in se recondit, nempe *quòd possit propositio Logica semel falsa transire in veram, & vera in falsam.* Hæc tamen thesis restringenda est ad propositiones tantum contingenter falsas vel veras, & quidem facta suppositione quòd eadem propositio, possit durare per plura instantia. Logicus ergo tunc vel maximè, dicit verum, cùm dicit falsum posse transire in verum: atq, hæc veritas elucet in carbunculo, quem dies cælat, nox prodit, ita sæpe contingit ut ubi veritatis meridianâ credis lucem, nec ante lucanum adsit crepusculum, & ubi Cymmerias erroris ac falsitatis noctes imaginariis subito præfulgidi instar Carbunculi germana veritas elucescit,

DOCTRINA ETHICA I.

A Nastasius Nyssenus, quæst: 38. de Carbunculo ita scribit: Carbunculus est formâ quidem puniceus, nascitur verò Carthagine. Dicunt autem eum inveniri non interdiu, sed nocte, nam procul scintillans instar Lampadis vel carbonis, deinde cessat; dum gestatur, qualibuscunque testus sit vestibus, splendor ejus extra amictum apparet. Veritatis hæc gemma symbolum est, cui nihil magis proprium, quàm ex objectæ falsitatis nube elucere. sæpè nimirū sit ut falsum dicendo dicatur verum; ita non nemo dum famulum mendacij suspectum haberet, postquam eum his verbis fuisset aggressus, dic mihi veritatē nunquid mendax es? servus reposuit, quomodo ut loquar veritatem exigis, si mendax sum? fatebor verò esse mendacem, ut intelligas me non esse talem. Ita sub umbra mendacij clarissima sæpe latet veritas: quid nitidius sole? Pater est lucis, & tamen non rarò Ecclipsim patitur, lumine nativo in offenso, opacâ nube abscondi potest, non extingvi, premi non opprimi, caliginoso imbrum profluvio: hinc etiam sol, veritatis vetus Hieroglyphicū: latet aliquando hinc Phœbus, at non diu, quia juxta Senecam. *Veritas nunquā latet.* Vire vindicibus flammis, testes flagitiorum tuorum paginas, at veritas Phœnix est, ex cineribus surget vivacior. *Vana in membranas supplicia, vento gliscit veritas, splendescitq; per flammam, alias obscuras liber: privatim acrius legi amant, publicè castigata.* Pythagoras inter alia præcepta Symbolica, etiam hoc tradidit, *contra solem ne loquaris.* solem nimirū è mundo tollere velle videtur, qui veritatem auferre tentat. Democritus veritatem in puteo profundissimo, latere dixit, hinc lussit Pœta.

*Si latet in puteo verum ut Democritus inquit
Cur bibuli in vino quæritis? est in aqua.*

Profunda scilicet veritas est, at subinde emergit cum tempore, tempus enim parens est veritatis.

DOCTRINA ETHICA II.

Carbunculus Indicus, aureas guttas continet, veluti Aëllas, hæ tamen in ejus profunditate, non in superficie apparent, teste Plinio lib. 37. c. 7. aureæ guttæ, sive guttarum sidera, in profunditate Carbunculi latitantes, designât occultam veritatem, quàm arbitri mentium Regalium Consiliarij, sive purpuratorum animorum motrices intelligentiæ, non aliter, quam sub umbra proponere debent, ut gratior oculatis Principum mentibus accedat. *Amara enim est veritas; & à quibus proponitur, opus est labra calicis, dulcedine aliquâ illinire, ut avidius eam quis hauriat.* Importuna enim monitoris libertas, caca temeritas est, nec corrigit errantem, cum semper ipsa egeat veniâ, raro impetret. *Laudat populus liberè dicta, & Principum convitijs delectatur, sed idem, de eorum qui sic agunt interitu non miratur, meriti perijisse eum existimat, qui sic locutus est, ut meriti illi Princeps irasceretur.* Neroni cum vestigalia omitti juberet, aperte quidem reclamarunt senatores, dissolutionem Imperij dicendo, si fructus quibus Respublica sustineretur diminuerentur; verùm hanc monitionem, laude magnanimitatis Neronianæ, licèt ficta temperarunt, *multum prius laudata ejus magnitudine animi, ait Tacitus.* Socrates adolescentum vitia redarguens, simulata sua in se perstringebat, quem *dexterrimumesse objurgandi modum, docet Plutarchus.*

DOCTRINA HISTORICA

ALybia, apud Troglodytas ferocissimas gentes, & serpentum carnibus vesci solitas Carbunculus reperitur omnium pretiosissimus, teste Diodoro, qui asserit quòd
jactatus

Luzon in I-
lea Politica
Symb. 28.

Körzen, lib 1
Politie. c. 22.

Lib. 13.
Annalium.

Plutarchus
lib. 1. de a-
nici & adu-
tatoris discr.

iactatus in igne, ceu mortuus & languidus compareat, at superfusâ aquâ, carbonibus extinctis, priori gratiâ ceu redivivus, proprio colore resplendet & ardescit. Veritas Carbunculus est, quæ licet subinde adscititiæ falsitatis flammâ extingui videatur, tempore tamen, ceu superfusâ aquâ, suo splendori restituitur, ac sibi similis apparet dum minimè expectatur. Constantinus Imperator, primo Imperij sui exordio, cogniturus quinam ex domesticis orthodoxam fidem verè amplecterentur, qui verò ab ea desciscerent, finxit se eos summo honore cumulaturum, qui Dijs vellent sacrificare: ad quam vocem, aliquibus Xtianorum Aulâ exeuntibus, alijs vero thura Dijs ponentibus, hos a se rejecit, illos verò, velut domesticos, summis beneficijs est prosecutus. Orta quondam inter summum Pontificem (cujus nomen Author subticuit) & Sabaudix Ducem, de Castro celebri Italiæ fortalitis controversia, priorem Sabaudum ad bellum excivit, Pontifex quoque defensiva opposuit arma. Erat in Castris Sabaudicis Generalis quidam, gente Francus, qui consilijs bellicis, semper prosperis eventibus coronatis, magnum sibi in Exercitu nomen comparaverat, hæc verò illi consilia à Genio non bono, quem annuli gemmæ inclusum gerebat, suggerebantur, adeò ut quidquid in Castris Pontificijs ageretur, omnia cum totius exercitus stupore, quasi per suos speculatores pernoscere non sine jactantia referebat. Illucescente decretoria conflictûs die, Generalis de successu instantis belli, Genium perscrutatur, a quo ejusmodi capit responsum: *Ad Castrum ibis, Ecclesiam calcabis, Bononia tibi serviet.* Ergo plenus animo, classica sonare, pugnâ victoriamq; accelerari mandat: concurrunt acies, pugnatur, in primo conflictu Sabaudis cedentibus dum Generalis Oraculo Genij sui confusus, liberius Pontificios urget, pluribus circa se caesis, vivus in manus hostium venit, vinctusque ad Castrum ducitur, ubi in via,

*Cassaneus
memorabilis
Italicis l. 2.*

dum Genio fraudem exprobrat, responsum accipit, primam oraculi partem jam verificari, siquidem *ad Castrum iret*: mox alias verificandas. ductus ad Castrum, in turri mediæ Ecclesiæ imminenti incarceration, ubi secundam Oraculi partem impletam docet Genius. Tertiam tandē post aliquot dies veritatem approbaturus. Latā sententiā capitis, dum in Theatrum ferale ducitur, ecce listor nomine Bononia, ei supremo ministerio serviturus adjungitur, ultimamque Oraculi fidem abscisso capite implevit, postquam ita malefico Bononia inservisset.

GEMMA QUINTA SAPPHIRVS

Sapphirus qui pectorale ornabat Pontificis, cœlestem referebat colorem, ut c. 28. Exod. n. 18. docet Glossa interlinearis. In hac gēma elucet Rationalis Philosophiæ,

VERITAS QUINTA

*Potest efficere Logicus, ut omnia in orbe
vivant, & vigeant, licet non existant.*

ENS communiter definitur esse id, quod potest existere, seu cui non repugnat existere: Veritas Logica declarat, posse perfectē præscindi Ens à suis differentijs, & differentias ab ente præcisas. veritas hæc elucet in Sapphiro quē Helimā-
dus & ex eo Ehasaneus Catalogo gloriæ mundi, part. 12. consid. 92. testatur esse coloris cœlestis, cæloq; sereno similem, & ideo gemmarum gemmam, & colorem super omnes colores vocari. Colore Sapphiri nullus color, Ente nullum prædicatum superius est, postquam a suis differentijs præscinditur, & differentiæ præcisæ ab ente, cū non existere à pluribus iudicantur, cœlestem adhuc colorem referunt, id est naturali, in sua essentia ab ente re-
cisa, beatitudine perfruuntur.

DOCTRI.

DOCTRINA ETHICA I

Plinius lib. 37. c. 9. scribit hæc de Sapphiro. Sapphirus aureis punctis collucet; optimæ apud Medos reperiuntur nusquam tamen perlucidæ. Sapphirus splendor aureos agnatâ involvens umbrâ, aurea purpurataque nomina vitæ privatæ caligine involuta designat, & sicut viribus intellectûs fieri potest, ut differentiæ Dei & creaturæ, substantiæ & accidentis, in suo esse vigeant, licet non concipiantur existere, ita Theopoliticæ mentes, veriores scilicet Sapphiri, tum maximè aurei sunt, cum non perlucet, tum maximè existunt, cum non, vel vix existere reputantur, publica vita defuncti, privata viventes & vigentes. Vixere hanc vitam Scipiones & Lælij, Cicerones & Attici: vixere fortes ante Agamemnona.

contentus honesto.

Fabricius parvo, spernebat munera Regum

Sudabatq; gravi Consul Serranus aratro

Et casa pugnaces Curios angusta tegebat.

*Claud. lib. 1
in Ruffinum*

NEmpe juxta Senecam. Nullus angustus est locus qui magnarum virtutum turbam capit; quid quod ingens & capax animus nec solus esse potest nec vacuus? plenus est imaginibus rerum, quas intra se pinxit, intra se vrbes & Provincias & Regna gerit quæ lustravit: intra animum Germanus, Turca, Polonus, Moschus de pace tractant, Hispanus, Gallus, Anglus, bella gerit: meditatur hæc omnia politicus animus, & pene exequitur; & quis dicat eum animum solum, cui mundus est socius? animo intra se habitanti ipsa res angusta; domi angusta perâplaque est, copiosa inopia, dives egestas.

*Sen. consol.
ad Hel.*

Vivitur exiguo melius, natura beatis

Omnibus esse dedit. si quis cognoverit uti.

*An parum habet qui tantum non alget, non esurit non sitit?
Plus Iupiter non habet. Habeamus aquam, habeamus potentiam
Iovi ipsi de felicitate controversiam faciamus.*

*Senec. Ep.
119, idem
Ep. 11.*

Felices quibus obtingit

Sors,

*Sors, nec summa nec infima,
Sed sanè modica.*

Comineus

*Et alter Cum dat oluscula, mensa minuscula pace quieta
Ne pete grandia, lautaque prandia lite repleta*

E contra, summa periculosa, feriunt summos fulmina montes: & in se magna ruunt. pragraandia animalia ait Herodotus lib. 7. Deus ferit fulmine, nec sinit insolescere; parva verò nihil ledit: magna semper ædificia magnasq; arbores fulminum tela percutiunt. Idcirco rectè Horatius monet.

Fuge magna: licet sub paupere recto

Reges, & Regum vitâ præcurrere amicos.

Summa Majestas, summa calamitas, sidunt ipso pondere magna, ceditq; oneri fortuna suo. Senec in Agamem. Regnum Thebanum inter duos fratres Etheoclem & Polinice[m] erat divisum hâc lege, ut quisq; alternatim regnaret. Primus utpote natus major regno potitur Etheocles quod ultra constitutum tempus, imò semper volebat retinere. Convolat ad arma Polinices jus suum vindicaturus. Opponit se Etheocles, jam stabat, in pugnam vtrinque parata acies, cum Iocasta Mater sese interposuit Mediatricem, & ad exulem suum Polinice[m] conversa, nullo efficaciori argumento hunc a cæpto detertere sperabat, quam demonstrando, regnare nihil aliud esse, quam curis & summis periculis implicari, sicque ait de Etheocle.

Ne metue, penas & quidem solvet graves,

Regnabit, hæc est pena. si dubitas Avo

Patrique crede.

Seneca in Thebaide

HAc summorum culminum perspecta infelicitate, frequentibusque præcipitijs, Carolus Magnus, Imperialem orbis serenitatem, cum asceticis umbris commutavit, cum posset imperare, noluit: testante ipsomet apud Famianum Stradam his verbis: *Exemplum meum pauci imitabuntur: nam & ego quem sequer ex omni retro antiquitate vix habui.* Habuit tamen plures Magnus in Imperio, major in

major in Imperij contemptu, magnos seqvaces Carolus, quorum immortalia nomina, cum passim sacri civilesque ostentent fasti, ad rariora transeo, insulataq; adoro capita, quibus hic publicæ contemptus privata vitæ amor, aliùs infederat. Pius V. creatus Pontifex expallescens hæc protulit: *Ego quamdiu fui religiosus bene speravi de mea salute, factus Cardinalis capi timere, jam creatus Pontifex pæne de ea despero.* Paulus III. Pontifex animam agens, male inquit me subjecisse cogvo familiæ Capucinatorum, quam hanc Deo proximam, sex & decem annorum curriculo dignitatem sustinuisse. Adrianus III. dicere solitus erat, Romano Pontifice nemo est miserabilior, conditione eius nulla inferior, spinosa est cathedra Romani Pontificis, tantaq; molis, ut robustissimos premat, terat & comminuat humeros, & bene se dicit, non tam nuncupativè quàm etiam substantivè summum Pontificem servum fervorem Dei. In sepulchro Adriani VI. hoc Elogium positum fuit: *Hadrianus VI. hic situs est, qui nihil sibi infelicius in vita, quàm quòd imperaret, duxit.* S. Cælestinus antea Petrus Moronus dictus, ponderosam hanc ac periculofam sarcinam sponte excussit. Heliodorus eximîa fuit Religione erga Deum, cum tamen de sacriste letis ageretur, S. Hieronymus ad illum ita scribit. *Si te ad ordinem pia fratrum blandimenta sollicitant, gaudebo de ascensu, timebo de lapsu.* Quàto fuerit (ait S. Chrys:) celsior dignitas, tantò sacerdotis majora sunt pericula. Thomas Morus Cancellarius Angliæ, cū Episcopus Rossensis ei statū atque ordinem in Aula esset gratulatus, respondit, *in Aulam invitatus veni, et in eadem non minùs malè hæreo, quàm quisquam equitandi insolens hæret in sella.* S. Augustinus ita de se scribit, *in quo loco sciebam non esse Episcopum ne illo accederem cavebam: & hoc agebam quantum poteram, ut in loco humili salvarer, ne in alto periclitarer.* S. Gregorius Turonensis cum in scripto quodam legeret, se non futurum Pontificem quia simplex nimium videretur, ad paginæ marginem ad-

nem adscripſit : *Felix ſimplicitas, quæ me à tanto onere liberavit.* Sciverunt magni Pontifices, quod ab Infulis curæ pendeant, quot gemitus annuli gemma tegar, quid moleſtiarum ſub argentea pedi bractea tinniat. Bene igitur, terque feliciter vixit, qui latuit, ex adverſo. *Qui notus nimis omnibus, ignotus moritur ſibi.*

DOCTRINA ETHICA II.

Quidam ut refert Montanus, Sapphirum emerat Roræ, conſtituitque de pacto ſi modo periculum fieret : factumque fuit periculum gemmæ, in incude malleo percuſſæ, quæ malleo & incudæ læſis, illæſa permanſit. Sapphirus nulli vi malleorum cedens, ſymbolum eſt immortalis gloriæ, quam magni ſago & toga Heroes, recte factis ſibi compararunt, hic ſcilicet Sapphirus potentior, ſub ipſo æquantis omnia, ac in mortualem cinerem concutientis mortis malleo inconcuſſus perennat. Concutiantur atteranturq; in oblivioſum pulverem illi, quorum nullis nota *Quiritibus atas, per tacitum fluxit,* æternum lugendi quia non legendi, & pæne non nati, quia non noti, Magnorum Patriæ Civium mors, immortalitatis eſt Parens, & ſi ubi veritas Logica, hîc proſecto verificatur nempè tum Magni Heroes vivere incipiunt, cum deſinunt, tû vel maximè vigent ac exiſtunt, cû non exiſtunt. Nêpe teſte Tullio non vita hæc dicenda eſt, quæ corpore ac ſpiritu continetur, illa inquam, illa vita eſt, quæ viget memoriâ ſæculorum omnium, quam poſteritas alit, quam ipſa æternitas ſemper intuetur. Et eodem atteſtante; actum præclare cum iſt eſt, quorum virtus nec oblivione eorum, qui ſunt, nec reticentiâ Poſteriorum ſepulta eſſe poterit. bene de Lipſio Puteanus, quantus ille fuerit animo, quàm benignus, juſtus, pius, intelligere capimus poſtquam ereptus eſt, jam magis noſter quia fuit, jam ut verè dicam vivus, quia extinctus. Epaminondas in pugna ad Manti-

Manticam faucius, & morti proximus, cum fufos hoftes, victores fuos intellexiffet, exclamavit: *non finis vita mea, fed melius & auctius initium advenit, nunc enim vester Epaminondas nascitur, quia fic moritur.* nempe juxta Politicum, *Dij, virtus, & conscia recti mens grataq; posteritatis memoria viris fortibus summa merces est.* Ejusmodi immortalitatis hæredibus, plenam in Elisijs campis æternitatis possessionem Mantuanus inscripsit vates.

Barcl: li:
Arg;

*Hic manus ob Patriam pugnando vulnera passi,
Quique Sacerdotes casti, dum vita maneret,
Inventas aut qui vitam excoluere per artes,
Quique sui memores alios fecere merendo:*

Omnibus his niveâ cinguntur tempora vitta. Vir. l. 6. AENE.

PAtavinus Symboli loco Herculem ardenti rogo impositum hæc inscriptione, exornavit, *ex morte perennitas hos immortalitatis Phœnices, celebrat Senec: de Tranquvil: animi c. 15. Ego Herculem sciam quod vivus uritur, aut Regulum quod tot clavus configitur, aut Catonem quod vulnus suum iteravit. Omnes isti leni temporis impensâ invenerunt, quomodo æterni fierent: ad immortalitatem moriendo venerunt.* Sic plures post fata & busta cineresque in triumphales palmas revirescentes Heliodori, illud Ennij ingeminant: *Nemo me lachrymis decoret neque funera planctu.* Aut illud Horatij lib. 4. Od. 30.

*Non omnis moriar, multa pars mei
Vitabit Libitinam usque ego postera
Crescam laude recens.*

Nempe verus rectusque Patriæ Civis Magnus licet habitus fuerit ante, dum staret; in casu tamen ac jacens, ceu prostratus dissectusque paries major apparuit. *Strada de*

*Qui cadit magnus jacet ille magnus,
Non premit fortem celebrat ruina,
Vulnus armatum decorat cadaver.*

Balde Od. 19.

His plane quotidiano Paradoxo sua post fata superstitionibus ac tum maximè existentibus cum non existunt, Im-

mortalitatis hæredibus quadrat illud Sarbicuij lib. 1. Od. 2.

Quem sui raptum gemuere ciues,

Hic diu vixit.

Ergo magna Majorum vestigia seqvimini, magnæ animæ

Ite nunc fortes, ubi celsa magni

Duxit exempli via;

Superata tellus

Bòétius

Sidera donat.

DOCTRINA HISTORICA

ABulensis in cap. 28. Exod. refert de Sapphiro hæc :
Confortat cor, fluxui sanguinis resistit, valet contra
timorem & venenum, visum confortat. Teste Isidoro
Etymolog. 16. Lapis sapphirus ita parvulus est, ut vix
videri possit, & tamen tales effectus operatur, sic parva
in orbe, ac judicio hominum ferè nulla, maximis sunt
aliquando potentiora, & cùm vix existere creduntur,
mirabilia operantur. Cùm S. Gregorius Magnus, ad
sedem Apostolicam assumeretur, S. Gregorius Episcopus
Turonensis, qui ei peculiari amicitia devinctus pridem e-
rat, Romam venit, quem magnâ reverentiâ, S. Papa ex-
cepit, interim secretam Dei dispensationem admirans,
considerabat in hujusmodi hominem, (qui erat staturâ
pusillâ) tantam gratiam cœlitus profluxisse, quod ille
mox divinitus persentiens, placidoque vultu ad Papam
respiciens : *Dominus inquit fecit nos, & non ipsi nos, idem
in parvis, qui & in magnis.* Cumque id suæ cogitationi S.
Papa responderi cognosceret, in magna veneratione co-
gnominem sibi Sanctum habere cœpit, Turonensemque
Ecclesiam ita nobilitavit, ut auream ei Cathedram dona-
ret; quæ apud præfatam Urbem, in posterum servaretur.
S. Gregorius Nazianzenus, ad quendam Nicolaum
qui Alypianæ uxori suæ, Gorgoniæ Gregorij sororis filia
exiguam staturam exprobraverat, his verbis scripsit : *Aly-
pianam apud nos cavillis incessis ut parvam, & tuâ proceritate
indi-*

indignam: O magne & vaste gigante, nunc demum intelligo, animum mensuræ subijci, ac rupes Margaritis præstantiores esse, Corvosq; Luscinij augustiores. Tu vero magnitudine tuâ, & cubitis frueri, vide tempestivum silentium, loquentem audi, quàm ut femina fortis ac strenua, quas rei domestica utilitates afferat, quam viri amans, at tum illud Laconis dices: Certe animus in mensuram non cadit. Ita profecto sæpe colosceos Longinos, ac Longimanos, ulnares Loctici, prægrædes Childericos, pusilli Pipini triumphant, nihilq; tam parvum est, quod non gloriam parere possit. supplet enim imprimis parvitatem corporis, opposita magnitudini, multitudo parvulorum: Ita murium multitudo, abegit Megarenenses, Phaselitas Vespæ fugârunt, Gymnesitæ gens fortis, missis Legatis Romam, opem petierunt, quod suâ se terrâ à Leporibus expelli dicerent. Traianus dum victis Parthis Agarenos obsideret, tanta subito Muscarum multitudo exercitum ejus involavit, ut omnes cibos & pocula repleverint, & ingentem Romanis molestiam intulerint, ita ut inde Trajanus protinus discedere sit coactus. Ita nihil (ut ait Strada) tam firmum est, cui periculum non sit etiam ab invalido, hinc coram Maximino Tyranno, admirabilis proceritatis & virium coronato Cyclope, Pœta quidam in Theatro hos versus recitavit: Qui ab uno non potest occidi, à multis occiditur, Elephas grandis est, & occiditur, Leo fortis est, & occiditur, Tigris velox est occiditur, cave multos, si singulos non times. Denique in parvis vis magna frequenter. Infans Hercules angves suffocabat, puer frangebat Leones, & in cunis, jam Iove dignus erat. Parva vipera ingentem Taurum, & canis Aprum sustinet.

Parva necat morsu spatiosum vipera Taurum,

A cane non magno, sæpe tenetur Aper Ovid.

Supplet secundo parvitatem corporis, industria animi. Scribit Plin: lib. 7. cap. 2. nat. Hist. in India reperiri spithamæos pygmæos, hoc est, ternas spithamas lon-

gitudine non excedentes, qui quia à gruibus infestantur, & magna damna cædesque patiuntur, tali contra eos utuntur industriâ, insidentes arietum Caprarumque dorsis, armati sagittis, veris tempore, universo agmine ad mare descendunt, & ova pullosque gruum consumunt, ternisque mensibus, eam expeditionem conficiunt, aliter futuris gruibus non resistunt. Philetam Coum scribit Ælianus lib. 9. variorum Cap. 14. exili ac macerrimo corpore fuisse, quia ergo quavis occasione subverti poterat, ferunt eum plumbeas habuisse soleas in calceis, ne à ventis prosterneretur; sic quod in corpore illi pondus natura negavit, id a plumbo ingenium addidit.

GEMMA SEXTA I A S P I S

Sexta Rationalis Pontificij gemma erat Iaspis, in qua clucet Rationalis Philosophiæ

VERITAS SEXTA

Logico futura omnia, sunt præsentia.

Hæc veritas Logica, declarat *propositiones de futuris contingentibus, esse determinatè veras vel falsas.* Eiusdem veritatis symbolum, est Iaspis: mirum enim est, quod de hac gemma scribit Chassaneus Catalog: gloriæ mundi par: 12. Conf. 92. quod tanta tam provida futurorū virtus Iapidis sit, ut qui eum portaverit, sit tutus a fulmine, ita ut non cadant supra eum. Hic lapis, futura velut præsentia præcavēs, & removēs, docet, Philosopho debere esse futura omnia præsentia, quia prævisa, nè improvise ingruentia mala, præsentibus tantum, intentum animum perturbent, & de statu rectæ rationis evertant.

DOCTRI.

DOCTRINA ETHICA I,

A Bulensis ad cap. 28. Exodi testatur Iaspidem qui erat in Rationali Pontificis habuisse tot virtutes, quot venas. Prudentiæ virtutum omnium Magistræ, hæc gemma symbolum est, cujus istud munus est; prævidere futura, imò facere præsentia, nihilque inexpectatum ac subitaneum pati accidere. Hæc gemma tot virtutes, quot venas in se continet, prudenti enim viro quidquid acciderit, materiam virtutis affert, cum prævidetur. Hinc monet Seneca: *Si prudens esse cupis, in futura prospectum intende, & quæ possunt contingere, animo tuo cuncta propone, nihil tibi subitum sit, sed totum ante prævideas, nam qui providens est, non dicit non putavi hoc fieri, quia non dubitat, sed expectat, non suspicatur sed cavet.* Vulpes & Hircus sitientes, in puteum descenderunt, postquam sitim extinxissent, Hirco ascensum ac regressum ad superiora indagante, Vulpes respondit: nil metue ostendam ego mox viam si parueris: erige te & anteriores pedes parieti applica, cornua pariter in anteriorem partem inclina, & cum ego percurrerim ipsa per humeros tuos & cornua, & extra puteum hinc exilierim, te postea extraham. Præstat Hircus quod mandat vulpes, illa postquam puteo exiliisset, Hirco valedicebat plaudens de suo egressu: Hircus cum ab ea fidem datam violari quereretur, respondit vulpes: *Si tot mentes possideres quot in barba pilos, non ante descendisses, quam ascensum considerasses.* Nempe prudentem oportet prius arduarum rerum exitus prævidere, quam principia aggredi. Bene monet Poëta

Vt nulli noceas columba fias,

Vt nemo tibi, sis Mariane serpens. Mas: art. novæ par. 1

Aliàs frustra præsentī naufragio reniteris, & cum adverso fluctu luctaris, si ultimā Prudentiæ tabulā excidisti.

Crede mihi, miseros prudentia prima relinquit,

Et sensus cum re consiliumq; fugit. Hinc juxta Ovid.

*Sed respicitur tellus, ubi fune soluto.
Currit in immensum, panda carina salum*

DOCTRINA ETHICA II.

D. Isidorus lib. 16. Etymol. c. 7. de Iaspide sic scribit : Iaspis in India Smaragdo similis invenitur, in Cypro glaucus & pingvis, in Persia æris instar, in Phrygia purpureus, in Cappadocia non fulgens, In Chalcidia turbidus. En quot locorum, tot colorum gemmam, quid illa nisi nostri ævi Protheos, ac tot colorum quot temporū Chamaeleontes designat, quibus hæc innata nec alia vox & sententia.

Felix qui semper, & omni

Nocte dieque potest alienum sumere vultum.

Ejusmodi fortunæ inconstantis mancipia, semper futura præsentī felicitate metiuntur, solemque Orientem adorant : *Quandiu scilicet Regum amici sensu fruuntur lætæ fortunæ, & veluti fragiliores hedera arbore egent, in quam recumbant, tamdiu Regem incolumem volunt. at postquam validiori trunco suæ magnitudinis nituntur, sensim ramos expediunt ab arboris nexu, quâ fulcimente iverunt in altum, ut vel eâ cadente, stare sublimes possint.* Larvam amicitiae gerunt hi Aulæ Vertumni, quos felicitas Regum lateri adjungit, separat adversitas, adeo ut non unus in re adversa, eorum præsidio destitutus cum vate ingemiscat

Dum mea puppis erat validâ fundata carinâ.

Qui mecum velles currere, primus eras.

Nunc quia contraxit vultum fortuna, recedis,

Auxilio, postquam scis opus esse tuo. Ovid. 4. de Ponte.

Scribit Causinus in Symbolis sacris, reperiri florem dictum Hasta Regia, in cujus medio nasci solet vermiculus parvus, diceret illum intimum floris hujus amicum, ut pote in eius visceribus natum, ille verò sensim florem arrodit, donec ei alæ succrescant quæ postquam succreverint, tum demum arcescente flore avolat : ita juxta Se-

xta Senecam: *Qui causa utilitatis assumptus est, tamdiu placebit quamdiu utilis erit: hac re florentes, amicorum turba circumfudet, circa everfos ingens solitudo est. Apud hos velut scortum publicum, amicitia Prostat & in questu pro meretrice sedet.* Senec. Ep.

Congruè id genus hominum expressit, Paulus Arosius Symbolo Cameli adgeniculati, juxta quem erant nonnullæ sarcinæ vestium, addita inscriptione: *donec accipiat*, id est onera, camelus enim cum illi iniiciendum est onus submittit se in terram, postquam accepit continuò se erigit, & abit, ita plerique recepturi ab altero beneficium in terram se deiciunt, jam non manus tantum sed & pedes, & terram ipsam, quam calcant illi quorum gratiâ egent, osculâtur. Consecuti quod expectabât, erigunt sese in superbiâ, nec beneficij accepti recordâtur. Importuni ut accipiant, inquieti donec accipiant, ingrati ubi acceperint. Et teste Seneca Ep. 61. *nihil carius estimamus, quam beneficium quamdiu petimus, nihil vilius cum accepimus. Ejusmodi amici peræ, exili quandoque injuria affecti, tesseram amicitiae rumpunt, quibus.*

Bernard.
de consi. c.

Si quid benefacias levior plumâ est gratia,

Si quid peccatum sit, plumbeas iras gerunt. Plautus.

Errat proinde (ait Seneca) qui amicum in atrio quærit, in convivio probat, Quia temporarias amicitias cum spe quæstus factas, utilitas immutata dissolvit, & inde amici fugiunt, unde probantur.

E. p. 81.

Ep. 19.

Graculus esuriens, in Cælum jusseris, ibit, Satiatus aliò avolabit, Aristotelis Oraculum Cedro inarandum. O amici, amicus nemo: breviter amici veri naturam descripsit. Balde lib. 4. Od. 14,

Qui tibi luget, tibi gaudet, hic est

verus amicus.

DOCTRINA HISTORICA.

Gaspar

GAspar de Morales, in suo Lapidario lib. 1. Cap. 2. refert quod Iaspis noxia Phantasmata expellit, Luxuriam cohibet, conceptionem negat, omnem sanguinis fluxum sistit, ita ne præsens noceat, vim futuræ frangit libidinis Iaspis; documentô, longâ ante vigilantia præmuniendum esse animum adversus sæva tela Cupidinis, quæ etiam prævisa, minus ferire solent. Hanc vero puritatis custodiam & amorem discamus ab animantibus ratione carentibus. Porphyrio est Avis pulcherrima, quæ tamen mira se voluptate versat in pulvere, conspectum aliorum fugit, mulierum Castimoniæ insignis est Custos, & si quam adulterio inquinari deprehenderit, seipsam impatientiâ sceleris strangulat. Ælianus lib. 30. Cap. 40. Plin. 10 c 46 Mustella nullâ vi, nullo vitæ periculo in iordes compelli potest. Hinc Alphonfus XI. Rex Legionis sumpsit pro symbolo Mustellam fimo circumvallatam cum Lcm: *malo mori, quàm fœdari*

Elephas semel tantum in triennio cõit, ad remediũ suæ speciei & id facit secretissimo loco, Nicrember: hist: Natur. lib. 1. Cap. 11.

In Pisidia Magna, nascitur herba nomine Iris, quæ magna ab indigenis religione effoditur, trimestri prius, aquâ mulsâ circumfunditur: effossa protinus in Cœlum attollitur, a solisque castis se attingi patitur, alijs contractantibus pustulas infligit Plin. lib. 21. Cap. 7. Phrixa herba Rutæ similis in septemtrione nascitur, gelida nive frigidior, si tamen impudicis tangatur manibus veluti ignis exardescit. Plutar. in Tanai.

Planta Mimosa dicta, eleganti virore prædita, manu admota senescit & marcescit, manu vero remota pristinu virorem recipit, sed non adeò celeriter. Phænici inscripsit P. Menesterius: *uritur & virgo est.*

Nier. Hist.
Nat. lib.
14. c. 20

GEMMA SEPTIMA LYGVRIVS.

Tertia in Rationali Pontificio gemmarum series, triplici fulgebat gemma. Prima erat Lygurius, secunda Achatēs, tertia Amethystus. In Lygurio elucet Rationalis Philosophiæ

VERITAS SEPTIMA

Potest Logicus aliquem in instanti, ex infimo gradu, evehere ad summum.

Logici Intellectus hæc est potentia, ut etiam ab individuis primointentionaliter sumptis, possit, abstrahere rationem individui, omnibus superiorē & communem. Ultima scilicet & infima ratio individui, si adsit vis favorque intellectus, in instanti excelsum universitatis tenebit fastigium, veritas hæc, ut dixi relucet in Lygurio, qui ex fæda abjectaque materia prognatus, naturæ vi ita excolitur, & assurgit, ut regum coronis inseri promeretur. procedo ad ETHICA.

DOCTRINA ETHICA I.

Lygurius gemma pretiosissima, sit ex humore spermatico Lynceis. En ex tam vili origine, tanti pretij assurgit gemma! ita intellectus, naturam ceu pretiosiore Lygurius, ex infimo individui gradu extrahit, in summoque universitatis collocat fastigio: Idem facit in orbe Divina manus, virtutisque potentia, quæ indies non minora summos deprimendo, ac infimos attollendo exhibet miracula adsit virtuti suffragans cælum, & mox agrestes casæ Regijs Augustalibus, sceptræ ligonibus æquabuntur:

& in medijs, ad Orbis fasces, Consul quæretur aratris:

Fessos duxit heri boves,

Dat magnis hodie jura Quiritibus:

Et quæ bobus adem erat,

Imponit Gabijs & Curibus juga Sarb. li. 1. Od. 2.

Virtus non unum terrigenam, purpuratis Regnorum postquam infervisset astris, admirator inscripsit Orbis *radiat, quod fuit ante vapor.* Ita Numa Pompilius Rex Romanorum secundus, *Curibus parvus, & paupere terrâ, missus in Imperium Magnum.* Ita Servius Tullius, verna & ancillæ Filius: *trabeam & Diadema Quirini, & Fasces meruit Regum ultimus ille bonorum.* Tamerlanes à tenera ætate porcarius, scytharum, tandem Rex effectus, ut refert Bergomensis lib. 14. Valentinianus Imperator Patrem habuit funes torquentem. Cornelius sylla Nicopolitana meretricis Filius, super Cymbricos Marij Triumphos septemque Consulatus Dictaturasque celsior surrexit. Agathocles ex filio Figuli, Sicilia factus est Rex & Tyrannus, hinc vasis aureis figulina solebat admiscere. Vilegitus Elector Moguntinus, Rhedario Patre natus, rotam Palatio appingi, eamque oculis assiduè observari voluit. Ioannes X. Pont: Max. ex humili genere ad summam dignitatem evehctus, in annulo lapidem pretiosum pro symbolo usurpavit cum Lem: *tunc gutta, nunc gemma* gemmæ enim ex guttis sole cooperante coalescunt.

Flumina magna vides, parvis de fontibus orta

Ep. 44.

ID Seneca expendens, intulit *Neminẽ Regem non ex servis esse oriundum, neminem non servum ex Regibus.* Maximiliano II. Imperatori, quidam scriptorum; in Genealogia Austriacorum ab Origine deducenda, operam obtulit, ut honorem familiæ (quod ajebat) illustraret. Verum Imperator hunc sibi delatum honorem, rejecit dicens, *metuendum est, ne si altius scrutaris, in rusticum aut sutorem incidas,* & pro gloria, ignominiam cruas & reponas. Marchio quidam

ns lib. 1.

quidam Italus Scipionem Ammirati induxerat, ad Genealogiam suam contexendam, quod dum omni opera agit Scipio, reperit Antecessores Marchionis hunc titulum à sæculo possedisse unumq; ex illius Avis cohortis ductorem, ob præclara in bello facinora, ab Imperatore Castrum in feudum accepisse, appellatum Marchionis Castrum. Huius imi Marchionis Pater, fuit Medicus, Medici Pater Notarius, hujus figulus, istius satelles, ob maleficia patibulo suspensus. Hic furcifer Patrem habuit culcitrary, culcitrary Pater fuit Nobilis quidam Sabaudus, ob perduellionem in carcere supplicio affectus: Hic Nobilis fuit filius cujusdam Comitis, Illustris familiaræ; cujus caput, erat Aulicus quidam filius Iudæi, ad hanc familiam à Principe suo, post susceptam fidem euectus: Quia verò Iudæus iste, in Italiam e Rhodo Insula se transtulerat, hic scriptor quoque sistere debuit, quod ulteriorem de familia Marchionis instructionem non habuerit. Marchio non decora sed probra domus suæ à Scipione manifestari, libellumque famosum ab illo de se confectum querebatur, cui respondit Scipio: nihil fixū, nihil stabile esse in orbe, circumagi quotidie humana, nunc Regem ex opilione, nunc ex Rege Opilionem fieri. Ita Agrestes Pribislai, è voto Libussæ dimisso eqvo à ferrea aratri mensa, ad aurea Bohemiæ solia provehūtur, ita si nos ad prima Poloniæ principia recipimus, Polonos Colonosque, unus pæne apex distingvet, è veteri formula, tot vrbium areas, aratro majores nostri metati sunt. Ita Piastos, Præmislos, Lescos, Lescones purpuratos vidit ac adoravit agricolas Polonia, & Aurifabros suæ fortunæ fabros est experta.

DOCTRINA ETHICA II.

Lygurius paleas attrahit, ita sicut Magnes ferrum: Principum bonorum, in hoc lapide natura effingitur quibus

quibus cognatum est, illos, quos suis fascibus Deus sub-
 jecit, dignitatis suæ reddere participes, & vel ex infimo
 statu ad summum attollere, si dignitati paria merita suf-
 fragmentur: solis naturam imitentur Principes, cui inscri-
 psit quispiam *viget quodcunque videt*. Et alter quos *aspi-*
cit ornat, nec sibi sed mundo communicatâ fulgeant se-
 renitate: conservatur enim concordia & amor inter im-
 perantes & subditos, si admittantur ad Reipublicæ gu-
 bernationem præstantiores & digni, jam vero uti Civi-
 lis inturbatur Politia, pœnas civibus decernendo se-
 cundum proportionem Arithmeticam, ita etiam honorum
 distributio secundum eandem æqualitatem Arithmeticam,
 in causa sæpenumero est, ut civilis ordo intervertatur,
 & subditi gravissimè offendantur; quis enim nesciat, fu-
 nestissimas oriri offensiones, si ignobilibus perinde ac No-
 bilibus, immeritis æque ac meritis, honores conferantur?
 Carolus simplex Galliæ Rex à Proceribus suis derelictus,
 propter Haganonem ignotæ originis hominem, plus æquo
 honoratum: Theodoricus Rex, à proceribus Regni in mo-
 nasterium detrusus, propter injustam honorum in plebe-
 jōs distributionem. Ludovicus XI. omnium odia incur-
 rit, quod sutori suo Fecialis ac Internuntij, tonfori Le-
 gati, medico, Magni Cancellarij, munus detulerit. Gal-
 lias mittamus; Imperio Romano Arcadius & Honorius
 fratres præerant, cum Rufino & Stilicone Tutoribus re-
 rumque arbitris, qui inter varios ignobiles & imperitos
 homines, ad varias Imperij dignitates admissos, Bargan-
 tem quendam venditorem farciminum, ad prima Palatii
 munera evexerunt; verum quam cladem ex indiscreta e-
 jusmodi honorum distributione, Romanum Imperium ac-
 ceperit, pleni sunt Historicorum fasti. In muneribus
 ergo conferendis, Personæ eligendæ, spectanda est potissi-
 mum industria, negotiaque aptanda meritis, ne rudes
 trunci stolonesque in Deorum figuram efformati, & ipsa
 forma fasti deformes, querulentur

Olim truncus ex am Ficulnus, inutile lignum,

Cum faber incertus, scamnum faceret Priapum

Maluit esse Deum. Horat. lib. 1. Serm. Sat. 8.

Ignominia enim loco apud indignum est dignitas, & deforme est, quos dignitate præstat, ab his virtute superari. Si facultas & capacitas desit, consultius est, intra privatæ vitæ terminos se continere: eleganti similitudine hac de re, idem Horatius Fuscum Aristium informat.

*Val. lib. 3
c. 2.*

Cui non conveniet sua res, ut calcens olim

Si pede major erit, subvertet: si minor uret,

Lætus sorte tuâ vires, sapienter Aristi.

CUm Pan Pastorum Deus, primò in terris conspexit ignem, (ut fabula refert) novo & insolito Lumine captus, festinus ad illum amplexandum accurrit, sed citius dolens gemensq; ambustis manibus & corpore recessit. Honoris claritas ignis naturam æmulatur, alios quidem illustrat, alios deformat & exurit, si temere accedatur. Vndè egregiè de Cæsare Tullius: *dum quosdam ornare voluit, non illos honestavit, sed illorum ornamenta turbavit.* Ventidio qui prius curandis mulis servierat, tandem Prætori & Consuli factò, per vias urbis applaudebat Populus: *Concurrite omnes Augures, Aruspices: portentum inusitatum conflatum est recens, nam mulos qui fricabat, Consul factus est.* Ita quondam, & de Eutropio Eunuchò profligatissimo, ad Consulatum promotò *Claudianus lib. 1. in Entro.*

Gellius lib. 15.

Heu Cali terræque pudor! trabeata per urbes

Ostentatur Anus, titulumq; effeminat anni.

Clavus nimirum honor vilescit in indigno, & apud bonos viros indigna est ista dignitas, quàm multi indigni possident. Habent igitur Principes præ oculis, illud Magni Ducis Encomium

Hieron. Ep. ad Hel.

Lectos ex omnibus oris

*Evehis, & meritum non quæ cunabula quæris.
Et qualis, non unde satus.*

Merita igitur non stemmata, virtutes, non ceras respiciat Princeps, in libramq; sumat pondus dignarum honore qualitatum, non vacuum, sine pondere nomen.

DOCTRINA HISTORICA

Lygurius, qui illum portat, pestilentia infici non permittit, en tam vilis originis gemma, tantam vim inesse quis non miretur, ut etiam venenatissimis quibusque plus valeat? sic Deus & natura, vilia quæque ad sublimes effectus elevat.

Corallium vilis in mari herba, ut ait Solinus c. 7. in aquarum profundo fluxa est, ubi supra attollitur, fit Lapis; nec solum illi qualitas sed & color vertitur, nam puniceo protinus erubescit: hæc vilis herba, postquam in lapidem transgelatur, non minus Indorum viris pretiosa est, quam fæminis nostris uniones Indici, ait Pl. l. 32. c. 2.

Tarantula vile & abominabile Apuliæ venenum, detrita supra vulnus inflictum, in modum emplastri, venenum proprium extingvit: Kircherus Mundi subterranej lib. 9. Vidi ego (ait idem) Pharmacopæum in Thuringia, qui omnis generis serpentes vivos, in usum medicum sibi comparaverat, & cum eos Conchæ impositos incautius tractaret, ab uno eorum morsu inflicto, statim membro læso intumuit, deinde ex serpentis veneno, totius corporis veluti fideratione quadam percussus, tremuit: & cum medicis advocatis, omnia antidota sine profectu fuissent adhibita, unus inter cæteros peritior Phisicus, infirmum rogavit, quinam ex illis serpentibus eum momordisset? dixit Aspidem: hanc itaque coctam & carnem præparatam ei comedendam dederê, vix dum superserat, statim melius sentire cœpit, & continuato illo cibo per diem integrum, perfectè convaluit.

GEMMA OCTAVA ACHATES

Octava Rationalis seu Pectoralis Pontificij gemma, erat Achates : in hac elucet Rationalis Philosophiæ

VERITAS OCTAVA

*In Logica Republica tantum valet unus
quantum multi, & tantum multi, quan-
tum unus.*

ANtithesis hæc, naturam universalis exhibet, quod duplex est, Metaphysicum scilicet & Logicum, utrumque hæc definitio complectitur : *est unum aptum inesse multis, & predicari de multis*; in Achate verò hæc veritas præclare elucet, qui unus aliàs lapis, innumerarum in se rerum imagines exhibet, ut non immeritò, gemmarum quoddam universale dici mereatur.

DOCTRINA ETHICA I.

Plinius de Achate hæc scribit : reddit species fluminum nemorum, & jumentorum. Universalis Logici, & Universalis cujuscumque subjecti, hæc gemma imaginem exhibet : homo enim verè Ethicus, morale quoddam Universale est, unum universas virtutes complectens. Non diffiteor vulgatum istud Orbis judicium esse, *omnia nemo habet. Sicut non omnis fert omnia tellus.*

*Hic segetes, illinc veniunt felicius uvæ,
Arbores fructus, alibi, atque injussa virescunt
Gramina.*

Hæc

HÆc tellus vino abundat, illa frumento, & Africa semper aliquid monstri parit, dum nihil portentosum, alia Regio continet. Triticum Sicilia suppeditat, vinū Creta, purpuram Lydus, Sericum Calabria, aurum argētumque Hispania, & Indiæ Occidentales: Orientales vero Adamantes, & uniones. Eadem reperitur in hominū ingenijs & moribus disparitas ac crisis, *non omnia eidem*

Liv. lib. 10. Dij dederē: vincere scivit Annibal, victoriā uti nescivit. Non omnibus omnia conveniunt, quidam omnes numeros absolunt, in sustinenda persona privatā: in sustinenda publica, oleum & operam perdunt, ut ait Plinius. Enituit aliquis in bello, sed obsolevit in pace, alium roga sed non & arma honestarunt: ille quæsitam domi gloriam in publico, hic in publico partam domi perdidit

nunquam sincera bonorum

Sors, ulli concessa viro quem vultus honestat

Dedecorant mores, animus quem pulchrior ornat,

Corpus destituit. bellis insignior ille,

Sed pacem fadat vitij, hic publica felix

Sed privata minus

Barclaius li. 1. arg. Sæpe qui stirpe & potentia præcipuus est, animi bonis deficit, tanquam verentibus fati, ne si summam mentem ac fortunam dent homini, Deum faciant ex mortali. Si in mundo nunc degeret Horatius, non inveniret credo Aristippum, de quo caneret: Omnis Aristippum decuit color, & status & res. Idem sentiendum quoad scientias.

Homerus

Namque alij bellare Deus concessit, at illi

Saltare, atque alij cytharâ cantuque valere

Mercator in urbe Samo, vendebat Grammaticum, Cantorem, & Æsopum, Xanthus Philosophus accedens & mercatorem & merces, percontatur ex Cantore quid sciret, ille respondit: *omnia*. Quo dicto subrisit Æsopus: quærit item ex Grammatico Xanthus, quid sciret facere? qui ut prior respondit *omnia*: quærit tandē ex Æsopo quis sciret facere ille respondit *nihil*. Quomodo dicēte Xan-

tho, respondit, quia hi duo se omnia nosse professi sunt, mihi vero nihil reliquerunt. Quo responso castigavit priorum fastum, docuitque neminem in Orbe reperiri, qui omnia posset, vel sciret. Id ingenioso Symbolo expressit, qui fasciculo clavium inscripsit, *Non omnia possumus omnes.* Non diffiteor ut dixi, vera hæc esse, verum & illud veritati non dissonare iudico, dari posse Morale ejusmodi universale, in quo uno, sparsa per alios plurima, collecta reperiantur. Id suo Stiliconi adscribit Claudianus. *Sparguntur in omnes, in te mixta fluunt, & quæ divisa beatos efficiunt, collecta tenes.* Alcibiadem Historici scribunt, universalem quendam animum habuisse, ita ut secundum diversos apud quos versabatur populos, varieret & mores, ita ut illic natus educatusque videretur. Annibalis quoque ad res diversas natus videbatur ingenium, ad parendum scilicet & imperandum, plurimum illi audaciæ ad pericula capeßenda, plurimum consilij inter ipsa pericula erat. Iulius Cæsar omnium recordabatur, præter injurias, de Hieronymo orbis iudicium est, à nullo sciri, quod Hieronymus ignoraret. Quid memorem Vniversalia urbium, ex quibus una non raro, innumerarum decora continebat. Ita Scaliger Antverpiam suam deprædicaturus, omnium eam urbium compendium appellat.

*Liv. dec.
lib. 1.*

*Lugdunum omnigenum est, operosa Lutetia, Roma
Ingens, res Venetum vasta, Tolosa potens
Omnimodæ merces artes priscæque novæque,
Quorum insunt alijs singula, cuncta mihi*

Et de Amsteledamo Barlæus :

*Moschus, Arabs, Persæ, Maurus, Iudaus uterque,
Quod ferat huc, rursusque auferat, Indus habet.
Hanc dum mundus adit, mundumq; hæc ipsa pererrat,
Non urbs fixa loco, sed vagus orbis erit.*

Ita D. Hieronymus de Constantino Magno scriptum reliquit, eum omnes mundi totius urbes spoliasse, ut unam Constantinopolim exornaret.

DOCTRINA ETHICA II.

FRANCISCUS RUEUS lib. 2. de gemmis cap. 16. docet, apud Indos nasci Achatem varij coloris, guttis etiam Phœnicis conspersum : Mixtæ Reipublicæ formam hic Lapis exhibet, in qua tantum valet unus quantum multi : inæstimabilis hic Regnorum Achates, tantum cæteris politiarum formis præstat, quantum libertas una, plurimum excellit servitutem. Monarchicum Regimen adoro, magnique ponderis rationes pro illo militantes non ignoro : scio *primò* quia ipse Deus Monarchicè mundum gubernat. 2do. Christi Domini institutum est, ut Monarcha hoc est summus Pontifex, Ecclesiam regat. tertio quia Monarchiæ diutissimè durant, uti apud Assyrios annis 1240. Monarchicum regimen, vel in ipsis animalibus Deus naturæ author, optimum ostendit. Apes creant sibi Regem cæteris magnitudine excellentem, qui tamen sine aculeo est, & alas cæteris minores habet, omnes se ejus obsequio offerunt, illo viso totus grex animatur, eo amisso dilabitur : circa Regem semper quædam apes adsunt fortiores habentes aculeum, & tanquam custodes corporis Regem custodientes. Mortuo Rege nisi corpus ejus efferatur, cæteræ Apes fame se necare permittent potius, quàm ab eo recedent, sola voce cæteras in officio continet Rex, unde & vocem cæteris magis sonoram habet. Ad hanc DEI & naturæ autoritatem, accedunt florentissimarum Monarchiarum Exempla, quæ unum Regnum unius animo gerendum persvadent, quæ ego pro merito æstimo, verum in partes Politicæ Mixtæ sequentibus pertrahor argumentis. 1. Quia prudentia major est

jor est in multis, præstat igitur multorum consilij quam unius arbitrio, populorum salutem, & fortunas committi. 2do quia plures difficilior corrumpuntur, unum facile est in fraudem illicere. 3tio Libertas par omnibus esse debet, ubi verò plures participes sunt libertatis, ibi illustrior est Respublica. Hinc Aristoteles lib. 2. polit. c. 2. loquitur *quapropter æqualitas & reciproca vicissitudo servat civitates, in liberis enim & æqualibus, necesse est eam esse.* 4to Principem absolutum errantem nemo monere audet, multò minus reprehendere, contrarium fit in Politia libera, in qua suum cuique sentire & dicere est, pro libertate,

DOCTRINA HISTORICA

Idem Ruëus loco citato ait, supervacaneum esse Achatidis delineationem & genera scribere, pretiosissimæ hæ gemmæ sunt, quæ Leoninæ pelli sunt similes. Achates Leoninæ pelli similis, leoninum robur designat, hominesque illos, in quorum universalem quandam potentiam, innumerorum hominum imò & belluarum fortissimarum, vires videntur transisse.

Refert Aventinus Annal Boiorum c. 4. sub Carolo Magno in bellis contra Bòemos, Venetos, Hunnos, & Auoros gigantem quendam militasse, qui per flumina quæ strata pontibus non erant, post se equum suum etiam reluctantem traxerit, Venetos Avorosque in morem Avicularum hastâ velut veru fixos, humeris suspenderit.

Anno 1582. 7. Iunij, cum Turcarum Imperator Machometes, de more solenniter circumcideretur, præsentibus potentissimorum mundi Regum Legatis edita spectacula, in quibus inter alia stupenda, quidam incudem manibus suis supra caput sublatam tamdiu tenuit, donec

duo robusti fabri, ponderosis malleis, soleas aliquot e. quorum ferreas in ea cudissent : quo facto incudem in altum projectam, brachijs expansis iterum excepit, soleasque aliquot equinas simul frangere, atque discerpere valuit. Simile quid refertur in Annalibus Polonicis de fortissimo Heroe Ivano Podkowa.

Tritanus quidam, hostem suum inermi dextera uno digito superavit, & in castra transtulit. Smerdis frater Cambyfis, solus arcum inter duos digitos complicabar, quem nemo Persarum, poterat incurvare. Herod. lib. 3.

GEMMA NONA AMETHYSTVS.

In tertia serie gemmarum Rationalis, nonum locum tenebat Amethystus, in quo Rationalis scientiæ elucet.

VERITAS NONA

Logicus una Ratione summa imis, ultima primis, amica hostilibus conciliare potest.

Naturam Relationis hæc veritas describit, quam in sola ratione fundandi statuimus, cum enim relatio juxta Philosophum, cap. ad aliquid, est cujus totum esse est ad aliud, nihil est tam dissitum tamque alienum ab alio, quod hac ratione referendi unum ad aliud interveniente, in intima fœdera non veniat. Ita supremum Principem infimo opilioni, colosseum gigantem, spithameo pumilioni, perenni odio alienata pectora, primi generis relatio in unitate sita coniungit. Prædicta veritas Logica elucet in Amethysto, quem intimorum fœderum obsidem, & conjugalis amicitiae subarrhatorem antiquitati fuisse testatur Didacus de Artiga comment. in caput 28. Exodi vers. 19.

DOCTRINA ETHICA I

53

Ribera lib. 3. de vestibus sacerdotalibus c. 11. docet Amethystum esse gemmam contractuum sponsalitorum, & amicitiae testem. Digna Deo Feciali fœdera, si bonis optimi socientur, & se se mutuò virtutes respiciant, ad ejusmodi fœdera. inv. Sen. Cum Catonibus vive, cū Lelio cū Tiberone, quod si convivere etiam Græcis juvat, cum Socrate cum Zenone versare. Cum Iulius Cæsar in Consulatu obnitentē sibi Catonem, ad carceres damnaſſet, Petronius ex Senatu discedens, atque ut maneret monitus à Cæsare, respondit. *Malo in carcere esse cum Catone, quam in Curia cum Cæsare.* Rectè, quia teste Salustio. *Inter bonos amicitia, inter malos factio est.* Id insitum habebat animo Cato Magnus, cuius dum Pompejus Magnus, ab oriente redux, sororem in uxorem petiſſet, renunciari jussit his verbis, *non capi aut illagveari se per feminas: quod si Pompejus rectam in Republica viam iniret, ultro se amicum fore, sin aliàm, nullo pacto aut pretio.* Nempe novit vir sapiens, malos mores contagiosissimam luem esse, hancque indolem vitiorum, velle cum socio perire. teste Seneca: *versat nos & precipitat traditus per manus error, alienisque perimus Exemplis, nemo sibi tantum errat.* Sumuntur teste eodem à conversantibus mores, & ut quadam, in contacta corpora vitia transiliunt, ita animus mala sua proximis tradit. Si velis vitij exui, ait idem, longè à vitiorum exemplis recedendum est. In avaro convictu turpis avaritia crescit, cum superbis tumor, & vitia in tortorum contubernio non extinguuntur, ut nec inhonesta sin Læonum sodalitijs flamma.

Mollis emollit socius, dolosus

In dolos ducit, ferus efferratos

Imprimis mores, docet invidere

Invidus alter. Avancinus lib. 2. Lyr.

DOCTRINA ETHICA II.

G 3

Pierius

Pjērius lib. 41. asserit per Amethystum significari sobrietatem, eò quòd hæc gemma, contra ebrietatem valeat, ita ut eam ferens, vino non tentetur. Vna Ratio est, quæ summa Imperia imis, primâ ultimis, isteron prote-
ron, quâdrata rotundis miscet, est ebrietas : quare svaserim ego Principibus Amethystum ferendum præ pectore & animo, sobrietatis scilicet symbolum & antidotum : infirma enim Respublica est, cujus caput ebrietate laborat, & eadem gravati pedes titubant. Quæ enim gens ebrietate non perijt? Romam in ebrietatem & luxum effusam Cæsar vini parcissimus subegit, de quo Cato pronuncia-
vit: *Vnum ex omnibus Cæsarem, ad evertendam Rempublicam sobrium accessisse.* Lacedæmon dura illa, sed brevis virtutum custos, *sobria regnavit, ebria servijt.* Cur severa lege ebrietatem damnaret, interrogatus Leontychidas respondit : *ne pro ipsis alij consultarent.* Solon ebrietatis delictum morte punivit, in Hispania ebriosus testimonij dicendi honore privatur, in Italia infamis habetur. Quid quod ebrietas magnorum sæpe funerum fuit ministra? sic Alexandrum teste Seneca Ep. 83. intemperantia bibendi, & ille Herculaneus ac fatalis scyphus condidit. Spectaculo fuit Alexandri semper ebrietas, sed toti exercitui ad terrorem propositæ Calani Indi exequiæ, certamen enim potantium institutum fuit, primo potatori promissum fuit talentum, secundo minæ 30, 3tio. decem, sed cruentum hoc inter pocula certamen erat, triginta & quinque in loco convivij horrore quodam & syncope correpti, expirârunt: sex ad tentoria relati, eadem die obierunt, qui talentum meruit Promachus Macedo, eo accepto intra triduum decessit. Ita de proximo, junguntur merum & mæror, convivium, & mentium ac regnorum naufragium. Eruditè id Prisci expresserunt hoc schema-
te, pingebant navim hederâ coronatam, navis medio sedentem Bacchum, inter potatores, Aulados, fidicines,
turbam

turbam hominū latissima, cum tamen nec malū haberent, nec velum, nulli eis remiges, nulli remi, gubernator nullus, in prora tigris, Panthera in puppi, excubarent, quæ hæc navigatio? quam vicina naufragio? ita Respublica perditissima, quæ postquam in luxuriæ freto, in Liberi Venerisque scopulos imegisset, honestatis virtutum, que omnium, in cratere naufragium inter tubas & tibi-
as facit.

DOCTRINA HISTORICA

A Methystus hebraicè dicitur Achlamach, teste Oleastro à chalam quod est somniare. Vnde dicunt Hebræi semper videre somnia cum, qui hanc gemmam fert in digito. Etiam hic Amethystus Logicam exhibet veritatē, quid somnia nisi unica ratio, quæ summa imis, ultima primis æquat, pauperes enim se Reges somniant, & ultima è facie populi homuncio, somniatis dat jura gentibus, ad milleque refertur mundos qui dormit in uno, ut eruditè Hemelitus pronunciavit, *vigilantibus communis & unus est mundus, sepiti in suum quisque discedimus.* Verū non semper somnia, sunt somnia. Scribit Valerius Maximus lib. i. c. 5. de duobus Arcadibus, qvī iter simul facientes, Megaram cum venissent, alter ad hospitem se contulit, alter in tabernam divertit, is qui in hospitio erat, vidit in somnis comitem suum sibi supplicem, ut sibi Cauponis infidijs circumvento, subveniat, posse enim celeri ejus accursu se imminenti periculo subtrahi, quo viso excitatus profiliit tabernamq; petere conatus est, verū falsum somnium damnans, lectum ac somnum repetijt. Tum idem focius ei faucius oblatus obsecrat, ut qui vitæ suæ auxilium ferre neglexisset, necis saltem ultionem non negligeret, corpus enim à Caupone trucidatum, hâc horâ plastro vehi ad portam stercore còepertum; tam constantibus sui familiaris precibus compulsus, protinus ad portā
cucurrit

cucurrit, & plaustrum quòd in quiete demonstratum erat, comprehendit, Cauponemque ad capitale supplicium pertraxit.

Qvidam somniabat se lethaler morderi à marmoreo Leone, uno ex his quos in templi cujusdam vestibulo stantes viderat : die verò postero cum templi fores transiret, Leone spectato somnum suum inter comites narravit, & cum risu manu in apertum os Leonis illius marmorei injectâ dixit, *en nocturnus hostis meus.* & ecce scorpius, qui in imis faucibus Leonis illius delitescibat, lethaler cum vulneravit. *P. Pexenfelder Ethicæ Symbolicæ Symb. 61.*

Cyppus Rex Italiæ, interdiu magna cum voluptate pugnam Taurorum spectavit, exinde vividè somniaverat, de cornibus natis in capite, cum ea postridie frõri impressa, ex vi imaginationis produxit in lucem. *Montaigne l. 1.*

GEMMA DECIMA CHRY SOLITVS

Quarta & ultima in Rationali summi Pontificis gemmarum series, tribus gemmis radiabat, Chrysolito, Onychino & Beryllo. In Chrysolito, Rationalis scientiæ elucet,

VERITAS DECIMA

*Potest Logicus sine oculis clarè videre,
simulque sine capite omnia scire.*

HÆc veritas Philosophicum illud in se continet mysterium; nempe *quod possit esse in eodem intellectu de eodem objecto, eodem tempore, simul actualis scientia, fides, & opinio: imò, quòd idem actus, possit esse simul fides, scientia, & opinio.* elucet veritas ista in Chrysolito, nocte igneam, die auream lucem fundente, quid enim fides, nisi mystica caligo veritatum absconditarum, quæ tamen illam ex se ema-

se emanat certitudinem quæ omnes errores igne veluti di-
vino consumuntur, quid scientia nisi dies, quæ etiam in-
tra opinionis nubes, suam claritatem & certitudinem non
amittit? hæc Ethica nox, & dies jungantur simul, & mox
pulchrum ingenij ostentum orietur, Logicus sine oculis
per fidem videns, sciens per scientiam, sed caput ad fidei
decreta deponendo, cujus objecta optimè sciuntur, ne-
sciendo. Verum ad Ethica magis descende,

DOCTRINA ETHICA I

Si quando, hoc ævo, fidei humanæ, scientia jungatur est ne-
cesse, nisi quis falli elegerit. hoc inquæ ævo ubi *mille annis jam*
transactus, nulla fides est in factis, mel in ore, verba lactis, fel in cor-
de, fraus in factis. Plures hoc sæculum alit fraudulentos Au-
læ stelliones, quibus meritò inscribas *sub luce lues.* Plures af-
fectatos, & ficti candoris olores, quibus *subtus nigerrima*
cutis: non unus in aula ceu in feraci fraudium semina-
rio, alitur Autolicus, *quo non præstantior alter, & frau-*
dare homines, & fallere numina Divum. Vt merito Græ-
cus exclamet Comicus: *paucis e multis fidus adest ani-*
mus. Itaque non sunt reprehendendi Principes si (ut
ait Politicus) *cum vulpe vulpinentur*: nam *fallere fallen-*
tem, fraudemque repellere fraude, exemplo, licet ludere
quemque suo. Hoc præsertim tempore, quo periculosum est,
inter tot fraudes solâ innocentiam vivere: *nunc qui fidem*
rumpit, ditatur; qui servat, eget. Hinc bene monet Prin-
cipes, vates: *Tu quicumque es, qui sceptrum tenes, licet omne*
tua vulgus in aula, centum pariter limina pulset, cum tot po-
pulis stipatus eas, in tot populis vix una fides. Hinc Leonis
Imperatoris tessera solennis fide & diffide. rectè Ovidius
quos credis fidos effuge, tutus eris.

DOCTRINA ETHICA II.

RVeus lib. 1. de gemmis c. 7. hæc de Chrysolito scri-
bit: selectissimarum est India nutrix, quarum aliæ cæ-
H ruleæ

rulae sunt, aquae virorem ita praeferentes, ut aurum in
 collatione, quadam veluti argenti facie, cogant albicare:
 quid aquae nisi Populi? quid aurum nisi Princeps? tunc
 inestimabilis, cum in collatione cum populo, argenti fa-
 ciem induit, id est fidei scientiaeque Orthodoxae confor-
 mem vitae candorem. Phreates Parthorum Rex, inter-
 rogavit Timonem Philosophum, quod esset Reges inter
 & subditos discrimin? respondit Philosophus, *hoc inter u-*
trumque interest, quod inter unum & omnia, omnes populares
Principem spectant unum, unus Princeps spectat omnes popula-
res, his proinde una satis obedientia ad Imperium, illi om-
nigena virtute opus est ad exemplum: heliotropium vertitur
ad solem, subiecti populi sequuntur vitam Principum: vo-
bis (dicebat Seneca) non magis quam soli latere contingit,
permulta circa vos lux est, omnium illam conversi oculi.
 Bene Isidorus lib. 3. de summo bono: *Reges à recte agen-*
do vocari sunt, ideoque recte faciendo Regis nomen tenetur, pec-
cando amittitur. Ferdinando Castellae Regi ejusmodi erat
 Emblema. Stabant à dextris duae Nymphae, altera tene-
 bat sceptrum, in cujus summitate erat oculus, cum Lem.
Prudentia. In altera manu grus cum Lem: *vigilantia.* Se-
 cunda Nympha tenebat libram cum Lem: *Iustitia:* Alte-
 ra manu cor aureum cum Lem. *Clementia:* haec Geminæ
 Nymphae cum suis insignibus, Regalem Thronum susti-
 nebant, ut securè subsisteret; Ita *frugi hominem, non multum*
habet laudis in Rege, fortem, iustum, gravem, severum, ma-
gnanimum, largum, beneficum liberalem esse, haec sunt Regiae
laudes.

DOCTRINA HISTORICA

Chrysoliti Arabiae ignobiliores dicuntur, eò quòd va-
 rio colore ac turbulento luceant. Color turbulentus
 Chrysoliti, naturae ordinem & symetriad turbatam de-
 signat: mirabile certè est, apertis oculis non videre, mi-
 rabilius

rabilius in cæca noctis caligine videre omnia, mirabilis-
 simum oculos extra frontē & infra illā habere. Primū nem-
 pe apertis oculis non videre, facit herba Dutroa in omni
 India notissima, raphano nostrati similis, intus nucleis
 quibusdam melonum semen referentibus prægnans est,
 hi ex aqua, aut ex vino, aut ex quovis alio liquore hau-
 sti, aut cum Oryza cocti, hominis mentem ita percellūt,
 ut nihil eorum quæ præsentem sunt agnoscat, & discer-
 nat. Herbae hujus usus Indicis & Lusitanicis sæminis est
 frequens, ad dementandos Maritos suos, quoties illicita
 consuetudine cum alijs perfrui desiderant, ubi enim pa-
 rum de herba ista, viro suo mulier propinavit, illico ad
 conspectum, & latus ejus, nefanda quæque patrat, viriq;
 barbam vellit, faciem frequentibus colaphis cædit, & li-
 cet Maritus apertis oculis hæc omnia videat, nihil tamē
 videt, nec postquam deinde expergefactus ad se redit,
 ullius recordatur. Eandem herbam, servi quoque & mā-
 cipia, suis aliquando Dominis admiscunt, ut illis ita so-
 pitis, cistas & arcas commodius expilare queant. *adum.*
 Nempe in cæca noctis caligine videre omnia, facit arro-
 gans fastus. Ita Chineses populi, in cæca Ethnicæ no-
 ctis caligine delitescunt, omnia se cæteris populis cla-
 rius videre, certius scire declamant, cui rei fidem facit
 invidiosum nimis & percelebre inter eos dictum illud:
Chineses duos habere oculos, Europæos unum, & quod homi-
num est reliquum, cæcitate. *Tertium.* Oculos extra fron-
 tem nativam oculorum sedem, & infra illam reperiri te-
 statur S. Aug. scribit in Enchir. c. 87. & Plin. lib. II. in-
 quit: *in Ægypto repertos homines, bint, sed in adversa parte*
capitis oculis: item oculos in pectore, alios in naso habentes.

GEMMA VNDECIMA ONYX

Vndecima Pectoralis gemma erat Onyx seu Onychinus, in hac gemma elucet Rationalis Philosophiæ.

VERITAS VNDECIMA

Antiquitatem generis Logici, genus novum testatur.

Genus primum prædicabile, posse definiri per genus, docet hæc veritas. Veritatem gemma Onychina illustrat, ut enim gemma hæc scintillas quasdam ex se spargit, quibus undique illustratur, ita genus essentiale, cum pluribus speciebus sibi subiectis refulget, tum maximè orto ex se, id est abstracto a se, genere accidentali, quod est prædicabile, antiquitatem suam indies approbat & exornat.

DOCTRINA ETHICA I.

Abulensis scribit, Onychem habere formam specularem sed in ea imagines eversas sicut in speculis concavis videri; speculum majorum sunt posteri filijque eorum, in quibus per recentia merita, innovatum vetustum genus, veluti renasci, ipsique majores, vitâ potiore frui desiderantes, auxiliarem posterorū virtutem implorant *Obsecro & obtestor, vitæ me redde priori.* Infelices progenitores, si filios Onychinos habeant, in quibus eversa avitæ famæ, & virtutis imagines, orbi repræsententur: eversum est genus avitum, eversa majorum gloria vetus, quam novum innovatum scilicet virtute posterorum genus, non sustinet. *Genus virtute perveniat.* hoc nimirum est generosi animi ornamentum, non indignum esse maioribus, nec curare quàm illustres habueris avos, sed quàm & ipse non obscur.

obscurus sis nepos: aliàs canosum ac turbidum rivum, non commendat perspicui fontis limpidus latex. Infamat improbos, majorum gloria, & degeneri ipsa nobilitas ignominiosa est. Opprobrium est defuncto, heres degener, *dedecorant bene nata culpa.* Hinc præcavet Ambrosius *Cave igitur, ne in te erubescant tuorum merita majorum, ne forte & illis dicatur, cur talem reliquistis heredem?* Vbi porro subsidia & præsidia virtutis desunt, satius est docēte Horatio *non fumum ex fulgore, sed ex fumo dare lucem.* Ciceronis testimonio id comprobatur; cui dum generis ignobilitas obijceretur, respondit: *satius est meis gestis florere, quàm majorum opinione uti, & ita vivere, ut sim posteris meis nobilitatis initium, & virtutis exemplum.* Animus (ait Seneca) *nobilem facit, cui ex quacunque conditione supra fortunam liceat assurgere.* Patritius Socrates non fuit, Cleantes aquam traxit, & rigando hortulo locavit manus, Platonem non accepit nobilem Philosophia, sed fecit. Arborem olivæ quispiam effinxerat tenerioribus Olivis circumfusam, quæ succum ex illa extraherent, cum inscrip, *ut substituantur.* Ita, substitui filij suis progenitoribus debent, non eorum genus, gloriæque profligatâ vitâ prostituere, attrahant fortunæ hæreditariæ succum, in vitam non in exitium majorum, in suæque alant majorum gloriam, antiquum novo approbent genus.

DOCTRINA ETHICA II.

ONychinus habet colorem unguis humani, id est rubrum cum albo mixtum, en pretiosa gemma, tam vilis rei similitudinem non erubescens, docet Principes, ut supra homines sublimati, similes esse hominibus non detrectent, nec humanitatem exuant, postquam purpuram induissent. Imitentur Trajanum, de quo suus Encomiastes: *scriberis ab amicis, ab ignotis, præteritis: nihilque inter pri-*

vatum & Principem interest, nisi quod nunc à pluribus amaris, nam & plures amas. Hadrianus Imperator, in colloquijs etiam humillimorum, mirè civilis erat, eosque solebat detestari, qui hanc humanitatis voluptatem ipsi inviderent. *Accedant ad me homines* (dicebat Rudolphus Imperator) *neq; enim ideo Imperator sum, ut inclusus in arca delitescam.* *Rex Iuppiter omnibus idem,* omnibus & Princeps eadem humanitate patere debet.

DOCTRINA HISTORICA

Onyx perennem cum Sordio gerit Antipathiam, in cuius præsentia nullos potest exercere effectus. Et Onyx & aliæ res sublunares, habent suos hostes & inimicitias, degenerantque ab antiquo genere, nisi novis perennium inimiciarum generibus, illud approbent, & conservent. Bufonis & Aranei perenne est odium, unde bufo adeo horret araneum, ut eo tempore quo aranei prodeunt, id est tempore sicco & sole meridiano, (nè in Lethiferum sibi hostem incidat) nisi rutâ instructus, comparere non audet.

IN Britannia, terra conclavium, scirpis virentibus consterni solet. Quidam fasciculos aliquot in cubiculum congefferat, sparsurus cum esset commodum: is cum à prandio supinus in conclavi dormiret, bufo ingens e fasciculo erepsit, & os dormientis obsedit, infixis superno atque inferno labro quatuor pedibus. Detrahare certa mors erat, non amovere morte crudeliùs. Svasu quorundam, sub fenestram delatus est jacens supinus, in qua ingens araneus telam texuerat, ille conspecto hoste suo se librat, bufonique spiculum infigit, quod cum tertio ictu repetisset, abduxit bufo pedes, ruptusque vi veneni decedit. Veberus in discursibus curiosis & fructuosis. Mustelæ quoque cum bufone vehemens est antipathia: nihilomi.

hilominus teste Kirchero, licet Bufonem ita horreat, ut simul ac in obvium incurrerit, voce tristi omnia compleat, omnesque in partes fremebunda discurrat, tandem tamen cum flebili stridore, in hiantes Bufonis fauces præceps abit: cujus causam hanc Kircherus assignat, Mustelam inquit a Bufone trahi, ob aliquam corporis sui partem subditam seu amicam spiritui Bufonis, istam verò partem ait esse fortè vesicam fellis, quod venenum est, teste Plinio lib. 19. c. 4. Aliunde verò certo constat, bufonem trahere venena, idque facit per venenosam qualitatem, etiam longius per aërem diffusam, præsertim si magis amicum magisque cognatum virus, quale esse videtur Mustelæ distet.

Luscinijs cum viperis & serpentibus Antipathia lethalis est. Hinc dumeta & rubos Luscinia quærunt, ut ab illis tutæ sint, ad ea enim loca, propter spinarum aculeos, non facilis est serpentibus accessus. Cardani verba sunt: *Majus est quod de Philomela referunt, Paterque meus id testabatur, scilicet Philomelam deprehensam in arbore a serpente qui arborem ambit, paulatim descentem miserabilis voce in illius os, ut devoretur descendere.* Gaudentius Merula credit Lusciniam à serpente oculorum fulgore in hanc perniciem trahi.

Passeres cum Bufone perpetuas gerunt inimicitias, hinc quia milij esu maximè delectantur, agrisque damnum inferunt, multi ad remedia ejus segetis Bufonem noctu arvo circumferri jubent, priusquam sarriatur, defodique in medio vase fictili inclusam, ita nec passerem nec vermem nocere sed erui debet Bufo priusquam metatur, milium, aliqui sit amarum. hæc Plinius.

GEMMA DVODECIMA BERYLLVS.

Beryl-

Aldrovand.
Ornithol.
lib. 16. c. 1.

Pl. l. 18.
c. 7.

Aldrovand.
Ornithol.
lib. 15.
fol. 252.
tit. Simpa.
Antipa.

Beryllus, est duodecima gemma Pectoralis Pontificij, in illo Rationalis Philosophiæ elucet.

VERITAS DVODECIMA

Logica Respublica, crescit scissione unitatis.

HÆc veritas proponit præcisionis obiectivæ extrinsecæ necessitatem, *quâ solâ, verè ac propriè gradus Metaphysicos distingui asserimus*, elucet veritas ista in Beryllo, ut enim Beryllus, eò maiorem fulgorem habet, quò in pluribus partibus in quadrangulas sexangulasque formas scinditur; ita & Logicæ Reipublicæ, eò major est splendor, quò in plures gradus, unam quampiam entitatem dividit intellectus, causam enim finalem præcisionis non aliam assignamus, quàm clariorem essentiarum penetrationem; quia dum per intellectum fit ista divisio intentionalis, unius entitatis in suas formalitates, & quid sint in suo esse expèduntur, clariùs perfectiùsque tandem ipsæ rerum essentiæ penetrantur.

DOCTRINA ETHICA I.

Beryllus ab Indis in sex angulos elaboratur, quia aliter fulgorem non habet, ita & Logicæ Reipublicæ, eò major est splendor, quò in plures gradus unam entitatem intellectus dividit, & interior hominis Politia impolita est, nisi perenni bello, & continua fæderum unitatisque cum vitijs scissione, expoliatur. Caligant ipsi Serenissimi, nisi hâc scissione suam serenitatem accendant, & extendant. Hinc Othoni II. ex Augusta Saxonum familia Romanorum Imperatori, vox & tessera solennis *pacem cum ho-*

cum hominibus, cum vitijs bellum. Is (ait D. Ambrosius in Psalm. 118.) bene Regia quâdam potestate se cohibens Rex dicitur, quod regere se noverit, & arbiter sui juris sit, nec capivus trahatur in culpam. Enimverò teste Sidonio lib. 2. Ep. 13. sicut hominibus Reges, ita Regibus prava desideria dominantur. Testatur idem Seneca. Multi sunt qui ante se agunt agmina, & tergis hostium graves insistent, & ad mare Magnum perfusi eade gentium veniant, sed hi quoque ut vincerent hostem, cupiditate victi sunt, nemo illis venientibus resistit, sed nec ipsi ambitioni crudelitatiqve resistunt, tunc cum agere visi sunt alios, agebantur. Quid Cæsarem in sua pariter fata ac publica immisit? gloria & ambitio, & nullus supra ceteros eminendi modus. Quid tu Martum, cum Teutonicos Cimbrosqve concideret, cum Iugurtham per Africa deserta sequeretur, tot pericula putas appetijisse virtutis instinctu? Marius Exercitum, Marium ducebat ambitio. Quid loquar de impotenti Orbis domitorum irâ? quoties huic belluæ, invicti bellatores coronata triumphalibus hederis capita subjecerunt? unum adduco. Cæsar, iratus Cœlo quod fulminibus suis pantomimis, triumphi tempore obstreperet, ad pugnam Iovem vocavit, machinamq; excogitaverat, qua tonitribus obstreperet, ac contra fulmina fulminaret, quoties ea decidissent, lapidem vicissim ejaculabatur, & in cælum mittebat, Homericum illum exclamans versû Tolle me aut ego te. Sub aliqvis verò Tyrannis ne vocem quidem liberam emisisse, cuiquam impune fuit. Illorum conditionem describit Seneca lib. 1. de ira c. 10. Qui fortis esse nisi irascitur non potest, industrius nisi cupit, quietus nisi timet, in Tyrannide illi vivendum est, in alicujus affectûs venienti servitutem. Hinc Briseis Achilli fortissimo inculcat.

Vince animos iramque tuam, qui cætera vincis

INter multas Iulij Cæsaris laudes, Cicero maximè deprædicat ejus in hostes animi moderationem, aitqve animum

vincere, iracundiam cohibere, victoriam temperare, adversarium nobilitate, ingenio, virtute præstantem, non modo extollere jacentem, sed etiam amplificare ejus pristinam dignitatem. Hæc qui faciat non ego cum, cum hominibus comparo, sed simillimum Dijs iudico. Excelluerunt hoc genere victoriæ & alij Principes. Cum Alexandro Macedoni relatum esset, ipsum à quopiam contumelijs impeti, respondebat. Regium esse cum facias bene, audire malè. & Alphonsus Aragoniæ Rex à quibusdam bene de se meritis probris laceratus: Regum esse dixit, non solum benefacere, sed mala etiam patienter audire, Tiberius Cæsar auditis quibusdam malevolorum convitijs respondit in Civitate libera, liberas esse lingvas oportet. Svadentibus nonnullis Ludovico XII. Galliæ Regi, ut ulcisceretur injurias quas sub Carolo VIII. accepisset cum Ducis Aurelianensis titulo gauderet, respondisse fertur: Regem Galliæ, non decet ulcisci injurias Ducis Aurelianensis: Ita immutet Princeps affectus & passionēs, qui quodammodo cum Imperio naturam immutat, illudque habeat præ oculis Claudiani monitum Datum Theodosio: tunc omnia jure tenebis, cum poteris Rex esse tui

DOCTRINA ETHICA I.

Beryllus glaucus est, nec ullum penitus fulgorem habet nisi scindatur, ita Respublicæ quædam, imò etiam maximæ non fulgent, nisi cum diuturna fœdera, eaque bono publico pernitiōsa, subindè rescinduntur. Nempe & Politiarum & aquarum eadem esse natura videtur, longâ & inerti pace stagnantes non pelluent, motu claritatem & vigorem conservant. Hinc eruditus Sââvedra etiam cū de pace agitur, armorum curam non deponendam svadēs, proponit manum *oleam* pacis signum præferentem, sed clipeo armatam cum Lemmate *sub clipeo*? id svadet & Mantuanus vates *pacem orare manu, præfigere puppibus arma*. De veteribus Hispanis scribit Iustinus ex Trogo:

Dura

Dura omnibus parsimonia, bellum quam otium malunt, si extraneus abest, domi hostem quarunt. Maximi Imperatoris, vox & tessera solennis erat: marcet sine adversario virtus, sic Romanorum fortuna, tunc mutari coepit, cum excisa Carthagine Perseoque capto, hostes non haberet. Hinc S. Aug. ait otio periit Roma deleta Carthagine. & Salustius de conjuratione Catilinæ: Vbi labore atque iustitia Respublica Romana crevit: Reges Magni bello edomiti: nationes ferae & populi ingentes vi subacti. Carthago æmula Imperij Romani à stirpe interijt, cuncta Maria terrarum patebant, sævire fortuna cepit. Qui labores pericula, dubias atque asperas res, facile toleraverant, ijs otium divitiarum optanda alijs, oneri miseriarum fuere. Ita, otium & Reges prius, & beatas perdidit urbes. Quid loquar de Polonia, bello nostra crevere confilia, armis erecti senatus, sterilis soli ingenium non alius vomer subegit, quam gladius, ipsi Hercinij saltus, tot Lecho debent Civicas, quot numeramus cives, nulla ibi arbor Lecho non laurus, nulla non trophaum.

DOCTRINA HISTORICA

Glossa Interlinearis ait, Beryllum non posse sculpi: Animi invicti hæc gemma symbolum est, cui inimica manus nihil contra Deum, Ecclesiam, Patriam possit insculpere. Marcellinus Martyr Diocletiani iussu stipitibus cum fratre affixus, Psalmum illum cecinit: Ecce quam bonum & quam jucundum, habitare fratres & unum

Harpago in convivium Cyri Persarum Regis accito, cum appositi essent filij, finitaque cæna, Rexque interrogasset, an cæna fuisset opipara? ubi dolum & sævitiam agnovit, lacrymas tenuit, dolorem suppressit, atque placido vultu cænam laudavit, & gratias egit. *Iust. lib. 1.*

Post cladem Varnensem 12. elegantiores adolescentes Poloni capti, & in cubiculum Amurathis deducti in necem ejus conjurarunt, sed cum intellexissent à Bulgaro

socium consilij adhibuerant, proditos se esse, obdu-
 ostio, pessulis, armati inter se concurrerunt, & mut-
 vulneribus fortiter cadere maluerunt quam belluinis
 ranni libidinibus seruire. *Cromerus lib. 21.* Fortis ac in-
 sti animi sunt etiam sequentia exempla. Hispani se
 per fuerunt Magnanimi, libertatisque suæ retinentes
 mortis contemptores, teste *Silio li. 1. de bello Punico*
illos describente

*Prodiga gens animi & properare facillima mortem
 Namq; ubi transcendit florentes viribus annos,
 Impatiens æui, spernit novisse senectam.*

Celtiberi in acie plaudebant, tanquam gloriose uitâ
 cessuri, in morbo lamentabantur, quasi miserabiliter
 rituri, quorum inuidium animum celebrat *Silius. lib*

*His pugnâ cecidisse decus corpusq; cremari
 Tale nefas, cælo credant superisq; referri
 Impastus carpat si membra jacentia vultur.*

De *Alphonso Aragoniæ Rege* scripsit *Panormitanus*
in omni fortuna, Alphonsum & videri & estimari meritò re-
gem. Ejusmodi magnanimos Heroes descripsisse uidetur
Seneca Ep. 72. Magnanimus stat rectus sub quolibet pondere.
vires suas novit, vicit virtute fortunam.

Ad M. D. G, B. V. M. S, L. O. C. Ho.



